

P A N A C E A

Philosophica;

ID EST,

FACILIS, NOVA, ET  
ACCURATA METHODUS

docendi & discendi universam  
Encyclopædiam,

*Septem sectionibus distincta.*

Authore

JOANNE-HENRICO ALSTEDIO.

*Accessit ejusdem*

CRITICUS,

De

Infinito harmonico Philosophiæ Aristotelicæ,  
Lullianæ & Rameæ.

*Hic accedit consilium Clenardi de discendâ  
linguâ Latinâ.*

AD

Illustrem & verè Generosum Dominum, Dominum  
CAROLUM Baronem à ZEROTIN, &c.

Diogenes

Alii me rident; ego non rideor.



Herbornæ Nassoviorum. 1610.

ILLUSTRI AC VERE  
GENEROSO DOMINO,

D N. C A R O L O,  
BARONIA ZEROTIN  
SENIORI, ROSSICII, PRE-  
ROVIÆ, DRZEWOHOSTI-  
CII ETC. DOMINO, PRO-  
MARCHIONI MO-  
RAVIÆ ETC.

BONARUM LITERARUM PRO-  
MOTORI, ORTHODOXÆ RE-  
LIGIONIS ASSERTORI, VI-  
RORUM LITERATORUM PA-  
TRONO MAGNIFICO, FELICI,  
MUNIFICO,

D O M I N O E T P A T R O N O  
S U O C L E M E N T I S S I M O,

P A N A C E A M P H I L O S O -  
P H I C A M, E T C R I T I C U M,  
P E R P E T U Æ O B S E R V A N -  
T I Æ M O N I M E N -  
T U M L. M. Q.

D I C A T C O N S E C R A T

Joannes-Henricus Alstedius.



ILLUSTRIS AC  
VERE GENEROSE DO-  
MINE BARO,



Audabilis consuetudo obtinet in orbe literario, ut ii, qui aliquid scribunt in publicum, sibi suisq; scriptis Patronos seligant, sed tales, qui & possint, & velint tale patrociniū suscipere. Consuetudo ista & mihi inpræsentiarum imposuit necessitatem, fixit & tulit legem, ut de Patrono hujus qualis qualis opusculi cogitarem Mihi autem sic ultrò citroq; cogitanti, tu occurristi, INCLYTE BARO, unus non è multis, de quo mihi demissè polliceor duo ista, quòd T. G. & possit, & velit hoc scriptū defendere suo patrociniū adversus male feriatorum impetus. Potes enim, GENEROSE DOMINE CAROLE, judicare de his talibus scriptis: & quia judicare potes, judicio tuo probare, & id præjudiciis aliorum opponere potes, unā cum Generosissimo Comite & Do-

mino, Domino GEORGIO ab Hodicz, Patrono meo clementissimo. Sed & velle T. G. suo patrocínio ornare atque tueri hanc opellam, sperare me jubet, insita tibi ac, fermè dixerim, propria in mei ordinis homines, qui quærunt gloriam Dei & proximi ædificationem, quo possunt modo, comitas. Utramq; illam in te suspiciunt & colunt viri literati, eruditionem dico & comitatē. Eam publicis literarum monumentis decorant & extollunt. Eam cum primis, mihi commendavit verè magnus Theologus, *ὁ ἐν ἀγίοις*, D. AMANDUS POLANUS à Polansdorf, SS. Theologiæ Doctor & Professor in inclytâ Basileensi Academiâ, præceptor de me optimè meritus. Itaq; dum hunc mei ingenii fœtum ad T. G. pulvinar depono, & ratione, & exemplo ductus id facio. Ratione: quia libri dedicandi sunt iis, quorum eruditio perspecta, comitas decantata. Exemplo: quia video multos & magnos viros hinc inde in Europa, T. G. patrocínium implorare, & illud impetrare. Diu sanè est, magnanime BARO CAROLE, quòd ad Te scriptario, quem diu est quòd amò, æstimo, celebros. Et exemplum, ut dixi,

dixi, habeo, quod sequar; amandi, omnium; æstimandi, multorum; celebrandi, magnorum. Sic igitur inter omnes, multos & magnos quoque ego: etsi minimè magnus. Sed tu esse patieris, Benignissime Domine. qui unus triplici hoc affectu dignus. Sed laudibus abstineo, ut ne ipsam laudem laudare velle videar, & soli lumen fœnerari. Hoc saltem liceat mihi scribere: OMNES BONI, QUI T. G. NORUNT, TE AMANT, ET AMARI A TE CUPIUNT: TE ÆSTIMANT, QUIA AMANT: TE CELEBRANT, QUIA ÆSTIMANT: OMNIA, QUIA MERERIS: MERERIS; quia Deus, cœlestis ille Pater, tot & tantis te ornavit donis, quem, ut eam T. G. coronare indies magis ac magis velit, precor. Precor etiam T. G. demissè, benevolè accipiat hoc levidense munusculum: quod T. G. duplici nomine gratum, spero, accidet, tum ratione scopi, tum modi. Scopum, ad quem collinco, est gloria Dei, & secundùm hanc ædificatio proximi, id est, palæstritarum & commilitonum meorum, quorum studia promovere pro virili mea studui, quantum Deus hoc tempore dedit.

Hunc ad scopum T. G. omnia sua dirigere, novit universa Moravia. Proinde non dubitavi has meditationes ad Te, Inclyte Heros, mittere, in quibus mihi curæ & cordi fuit, eum scopum intendere, quem omnes Christiani debent, quemq; T. G. cum primis intendit. Modus etiam opusculi non accidet T. G. ingratus. Est enim & brevis, & nisi vehementer fallor, utilis hic tractatus. Brevitate & Tibi, & Lectori placebit. Tibi quidem; quia tui ordinis homines impendio delectantur conciso sermonis genere. Lectori verò, quia facilius poterit percipere, quid rei sit. Rectè enim cecinit Horatius:

*Quicquid præcipies, esto brevis, ut citò dicta  
Percipiant animi dociles, teneantq; fideles.*

Utilitatem non est quòd multis deprædicem. Aut cæcus, aut male sanus sit oportet, qui eam vel non videt, vel videre non vult. Conatus sum universalem rationem docendi & discendi singulas artes tradere in Panaceâ philosophicâ. Summa ejus est: *Omnes & singula disciplina tradantur per Lexica, Præcognita, Systemata, Gymnasia.* Hæc quatuor si probè observentur, & studiosè jungantur, dici non

ci non potest, quantum faciant ad solidam viâ compendiariâ comparandam eruditionem. Ego annitar, Deo benedicente, ut singulæ artes hâc ipsâ adornentur methodo; quod ut fieri possit, Dei auxilium imploro, Tuæ Generositatis tutelam mihi exopto, aliorum preces & labores requiro. Interea temporis T. G. habeat hunc veluti prodromum grandioris operæ. quam scribere, & Tuæ Generositati inscribere stat sententia. In Critico autē conatus sum conciliare tres nobilissimas hujus sæculi sectas in Philosophicis, ac nominatim Logicis. Traditur ibi methodus disferendi de omni scibili: ita ut studiosus hâc harmoniâ & linguę latinę exactâ cognitione instructus parū desiderare possit ad inventionis & *diapoeias*, & judicii perfectionē. Talis est hujus scriptiunculæ finis, talis ej<sup>9</sup> mod<sup>9</sup>. Accipe igitur hoc, quicquid est, laboris, Inclyte Heros, benevolo, quo hæc talia soles, animo, & deinceps me benignè fovere tuo favore perge, ut ita aura favoris tui educet plantam tenellam, quæ in meo solo posita adhuc quidem, sed aliquando fructum suum latiùs diffundet, Deo volente, & T. G. juvante. Deum

immortalem precor, ut Ecclesiam ac in illa Te, & fratrem tuum, D. DIONYSIUM, & totam illustrem ac verè heroicam familiam Zerotinam servet, & forti suâ dextrâ tueatur adversus arma Turcica & Tartarica, atque omnia incommoda, præsertim hoc periculosissimo tempore, quo omnia ruinam minari videntur. Sed quid? videntur tantum? Imò præsentissimum exitium minantur, nî magnus noster navarcha naviculam suam in procelloso hoc mari, & nos in ea, servet. Vale feliciter, Illustris & Inclyte Baro, ac divino præsidio tutus quàm diutissimè vive. Perscriptum Herbornæ Nassoviorum, ubi est Illustris Illustrium & Generosissimorum Comitum Nassovicorum, Evergetarum meorum. clementissimorum, Schola. Kal. Jul. anno extremæ Dei patientiæ 1610.

T. G.

*addictissimus servus*

Joan. Henricus Alstedius.





# PANACEÆ PHI-

## LOSOPHICÆ

### SECTIO I.

#### *De ratione instituti.*

**S**tudii stadium qui ingrediuntur, nā Studiorum  
 illi impetuofum mare ingrediuntur,  
 præclarum facinus aggrediuntur.  
 Mare quidem ingrediuntur, five spe- 1. Difficul-  
 ctes præfentaneum periculum, quod manet tas,  
 nautas incautos & improvidos, five amplitu- 2. Laus &  
 dinem immenſam. Præclarum verò facinus dignitas.  
 aggrediuntur, dum ſuam navem bonis animi  
 donis vacuum veluti in exteram regionem  
 propellunt ad afferendum merces animi ap-  
 probas, eruditionem putà & virtutem. Duū  
 verò generum nautas hoc in Oceano eſt repe-  
 rire, infelices unos, felices alteros. Infelices Studioſi in-  
 ſunt, qui quidem ingrediuntur, ſed coguntur felices qui  
 regredi, ob id nempe, quia non poſſunt pro- ſint?  
 gredi. Et hi ad duos impingunt atque allidunt  
 ſcopulos, Scyllam nempe & Charybdim. Scyl- Duo hoſtes  
 la eſt curioſitas. Ignavia eſt Charybdis. Curio- ſtudiorum  
 ſitas eſt, quā ſtudioſus vel ridicula, vel inutilia, & ſtudioſo-  
 quæ nec ſcienti proſunt, nec ignorantia no- rum:  
 cent, vel etiam talia, quæ impoſſibilia ſunt le- 1. Curioſi-  
 ge, naturâ, conſuetudine, perdiſcere ſatagit. tas.  
 O vitiorum vitium! o horrendum ſcopulum!  
 Quot ingenia tu attraxiſti, attracta detinu-  
 iſti,

2. Ignavia.

detenta exitio dedisti? Ignavia est, quâ studiosus relictâ semitâ virtutis concedit in castra voluptatis, offensus multitudine laborum, quos exantlandos videt iis, qui per templum Virtutis discipiunt pervenire in templum Honoris. O teterrimum monstrum! Quot adolescentes tu ducis in tua castra? quot seducis? O infeliciores vobis nautas, qui suas naves ad vos allidunt! Contrâ felices omnes eos, qui didicere μέσσην τέμνειν, & naves suas mediâ viâ dirigunt, relinquentes, te quidem, ô Ignavia, ad dextram, te verò, ô Curiositas, ad sinistram! Felices, inquam, eos! Hi contra Ignaviam his armis militant. Virtutis, Eruditionis & Honoris considerant dulcorem. Etiam atq; etiam cogitant, quòd Deus omnia vendat labore. Perpendunt, radices quidem eruditionis esse amaras, fructus autem prædulces. Sibi persuadent, si quid honesti faciant cum labore, laborem abire, manere honestatem. Contra Curiositatem, alterum studiorum hostem, ita se muniunt. Scopum studiorum suorum in horas, imò in momenta sibi ob oculos ponunt: & cum quidem fixum, atq; præclarum. Ad hunc, ceu cynosuram, dirigunt universa studia. Scopum illum considerant cum in genere, tum in specie. In genere quidem gloriam Dei, & ædificationem cum proximorum, tum sui met ipsorum; quæ quidem est perfectio mentis, voluntatis, & sermonis. In specie verò præstituunt sibi certum aliquod studii & vitæ genus, in quo vident, primò quis sit, dein qualis sit ille

Studioſi felices qui ſunt?

Scopus ſtudiorum.

In ſcopo ſtudiorum tria ſpectanda: 1. Quotuplex ſit?

fit ille scopus specialis. Ibi considerant, num  
 Scholastico, eiq; vel Philologico, vel Philoso-  
 phico, num Theologico, num Politico & Juri-  
 dico, num deniq; Medico ordini sese aggrega-  
 re cupiant aliquando. Hic dant operam, ut ille  
 scopus sit 1. accommodatus ipsorum tempe-  
 ramento, seu dispositioni animi & corporis,  
 atq; ad eò talis, ad quem naturalibus viribus, &  
 inclinatione ferantur, sive ad quem assequen-  
 dum habeant principia & adminicula in indo-  
 le & naturâ sua. 2. fixus & stabilis. Si enim  
 scopus variet, etiam media vaga sint oportet;  
 adeoque animus inconstans desultoriâ & vola-  
 ticâ levitate per præcipitia fertur. 3. excellens,  
 & quidem ratione tum rei ipsius, tum propo-  
 siti. Ratione rei scopus omnis omnium studi-  
 orum esse debet præclarus & laudabilis, ut me-  
 diis conciliet amorem, vires, ordinem. Propo-  
 situm autem debet esse tale, ut studiosus cupiat  
 vel in uno aliquo studiorum genere, vel in  
 multis excellens evadere, quod Cicero in offi-  
 ciis monet: *Juvenes, ait, magna spectare debent, &  
 ad ea rectis studiis contendere.* Prius tamen illud  
 malim, ut sit scopus numero unus. Etenim a-  
 videntia omnia cognoscendi certâ quadam ra-  
 tione temperanda est, ita videlicet, ut primùm  
 quidem in iis duntaxat laboremus, unde & i-  
 psi effici meliores, & aliis pro vitæ nostræ rati-  
 one prodesse possimus: deinde ut hic quoque  
 intra modum sapiamus. Utrumque verò illud  
 tum demum optimè observabimus, si nos  
 contineamus intra divini verbi metas, metas

2. Quis?

3. Qualis?  
 Scopus erit:  
 1. Accom-  
 modatus,

2. Fixus,

3. Excellens.

Aviditas  
 omnia no-  
 scendi quâ  
 temperan-  
 da?

item vocationis nostræ. Quo fine, inquit aliquis, ista tam prolixè disputantur? Hoc nimirum; ut ostendam, quî studiosi in studiorum Oceano versari debeant, & cum suis hostibus conflictari. Ego certè cum utroque illo, de quo dixi, studiorum hoste, multum diuq; dimicavi, & in hunc usq; diem dimico. Utinam feliciter! Quî dimicarim, tu judica, judicio qui polles, Lector. Tibi enim, non mihi, studeo: tibi ut me approbem, bonâ fide studeo. Summa; id unum studeo, ut jucundas, ac fructuosas simul faciam horas meas, sed tibi. Eam ob causam è congerie inquietissimarum mearum cogitationum (cum Scaligero loquor) eruo, quæ tibi prodesse, quæ te delectare possint. En indicem hujus rei, Panaceam Philosophicam! De eâ duo te præcognoscere, præfationis loco, velim; unum est de fine, alterum de modo operis. Finis è titulo seu inscriptione colligi potest. Panacæam voco, id est, universalem Medicinam, non chymicam, sed philosophicam; quâ scilicet morbus, quo laborat intellectus in cognitione rerum, verborum, & modorum, tolli potest. Ista panacæa, uno verbo, est methodus, quam in omnibus & singulis facultatibus atq; disciplinis observare decet. Vides finem, Lector; aut si non vides, nihil vides: aut si vides, & dissimulas, invides. Modus operis est & arctus, & accuratus. Arctus quidem: quia stat sententia *ὡς θεῶν* pleniùs aliquando designare methodum singularum disciplinarum, ex legum hæc positarum imperio. Est & accuratus.

Id ve-

Exerc. 365.  
sect. 9.

Methodus  
est panacæa  
Philosophorum,

Id verè dico. Non ut mea crepem & ebuccinem, sed inventa magnorum Philosophorum KECKERMANNI ET TIMPLERI, commendem juventuti. Fateor enim, me ab hisce ambobus, maximè tamen à Keckermanno, adjutum esse. Horum virorum labores, vel potiùs libros ingentis laboris, variæ doctrinæ, summi ingenii plenissimos cùm animadvertissem, in eam sum adductus opinionem: ut mihi jam paucissimarum rerum cognitionem superesse sperarem, quæ ab iis non traditæ, & lumine methodi non illustratæ. Tanto scilicet scientiarum cumulo hi ipsi viri cæteros mortales antecunt. Absit verbo invidia. Keckermanno Philosophorum eminentissimo accepta fero, quæ scribo de Lexico, Præcognitis, Systemate, & Gymnasio disciplinarum. Ab acutissimo Timplero habeo methodum tradendi disciplinas per theoremata & problemata. A Raymundo Lullio pleraque accepi, quæ de Arte magnâ scripsi. Adesto ergo, benevole lector, & non mea, sed aliorum consilia, exosculare. Ego enim, dum stupidus illorum virorum scripta circumspicio, dulcedine quâdam, nesciò an deceptus, certè captus sum, imitandi eorum methodum: quos ad ejuscemodi fastigium, nonnisi multarum artium, & methodici luminis antegressione esse evecctos judicabam.



## S E C T I O I I.

*De Arte magna, generali & ultimâ, seu Lexico Philosophico.*

**A**D discendam Encyclopadiam duo praeexiguntur à studioso, notitia videlicet artis magna, & solida scientia Canonica.

*Ars magna  
quid sit?*

*Lullius Phi-  
losophus:  
Majorica-  
nus.*

*Ars magna est, quae tradit generalissimos terminos, qui in omnibus & singulis disciplinis occurrunt. Ea inventa est à Lullio, philosopho Cathalano, de ejus scriptis cogitabis illud: Aurum inter sterco-  
ra. Hæc ars non tantum est Logica concreta, ut Keckermannus statuit; non est Logica rebus applicata, ut Zabarella vult; non est Metaphysica, ut Tholozanus & alii existimant. Sed est altior & generalior & Logicâ & Metaphysicâ. Eam ob causam vocatur ars magna generalis, & ultima. Magna dicitur, ob excellentiam & eminentiam. Generalis, propter terminos, quos explicat, generalissimos, qui in aliis scientiis occurrunt. Ultima, quia post alias est inventa. Ea enim est generalissimorum natura, ut sint quidem priora singularibus & γενέσει & γένεσι, sed non semper ἀρίσσει, ut loquuntur in Scholis.*

*Ars magna  
est*

*Ars igitur magna est generalissimorum terminorum explicatio.*

*I. Inventiva,*

*Ea est vel inventiva, vel applicativa. Inventiva dicitur, quatenus docet disferere πρὸς τὰς ἀπορίας, de omni scibili. Et, ut Treutlerus ait, quia tradit rationem terminos cujuslibet rei inveniendæ, multi-*

multiplicandi propositiones, definitiones denique & divisiones constituendi, indagandi medios terminos, & tandem de quâvis questione in utramq; partem disputandi. Hoc modo potest appellari Logica applicata ipsis rebus. Sed ita à nobis hoc loco non consideratur. Consideratur autem, quatenus est applicativa.

*Applicativa dicitur, quatenus docet terminos generales applicare singulis scientiis.* 2. Applicativa.

Nam in principijs hujus artis principia omnium aliarum scientiarum particularium sunt implicita, sicut particulare in universali. Horum igitur terminorum considerabimus & theoriam & praxin.

*Theoria est de illorum divisione. Termini artis magnæ sunt vel subjecta, vel predicata, vel regula.* Termini artis magnæ sunt

*Subjecta sunt numero decem; quinque substantialia, ut Deus, Angelus, Cælum, Homo, Elementativa; & totidem accidentalia; Quantitas, Qualitas, Relatio, Actio, Passio. Quicquid enim occurrit in inferioribus scientiis, reduci potest ad unum ex his subjectis. In hisce subjectis omne, quod est, implicatur, & extra ea nihil est: ideoq; sunt generalia ad omnia.* 1. Subjecta decem.

*Predicata sunt octodecim. Novem absoluta, puta, bonitas, magnitudo, duratio, potestas, sapientia, voluntas, virtus, veritas, gloria. Respectiva totidem; differentia, concordantia, contrarietas, principium, medium, finis, majoritas, aequalitas, minoritas. Hæc prædicata dicuntur generalia: quia omnes bonitates aliarum scientiarum ad unam bonita-* 11. Prædicata octodecim.

tem generalem sunt applicabiles. Et idem dicendum de magnitudine, & sequentibus.

### III. Regulae decem.

*Regulae sunt numero decem, quæ etiam vocantur quæstiones, quæ sunt vasa ad omnia intelligibilia.* Nam hæ quæstiones sunt ad omnes alias quæstiones applicabiles. Omnes enim in istis implicantur, & sunt hæ: *utrum, quid, de quo, quare, quantum, quale, quando, ubi, quomodo, cum quo?*

### Lexici philosophici generalis

*Sequitur praxis horum terminorum.* Verbo dicam. *Ars hæ applicativa, est Lexicon philosophicum generale, cujus fabricam & usum docebo.*

### 1. Fabrica,

*Fabrica ita habet.* Fiat volumen grande in folio, & illud dispescatur in decem partes principales, pro numero decem subjectorum. Singulæ partes sibi vendicent bis novena folia; quibus inscribantur 18. prædicata, singulis singula. Singula folia dividantur in 10. particulas, quibus inscribantur 10. quæstiones, singulis item singulæ.

### 2. Usus.

*Usus hujus Lexici est infinitus.* Est enim bibliotheca universalis locorum communium. Præcipuus autem usus duplex. Principiò huc posuit, & verò debent, omnia referri, quæ occurrunt de Deo, Angelo &c. Neque enim Deus consideratur in hoc Lexico Theologicè, sed ratione suorum prædicatorum, quatenus ea sparsa sunt per singulas disciplinas. E.g. si occurrat in Theologiâ titulus bonitatis, vel magnitudinis; tuum erit recurrere ad hoc Lexicon, ubi vides aliam Dei, aliam Angeli &c. esse bonitatem.

Deinde hoc Lexicon facit ad ἀποείναι remiscen-



nifcentiæ. Nam quæcunq; occurrunt in artibus, sunt vel subiecta, vel prædicata, vel quæstiones: prout hîc à nobis delineantur. Omnes artes agunt de Deo, homine, bonitate &c. sed modo diverso.

APOLOGIA HUIUS LEXICI.

Quodcunque de re aliquâ in natura positâ cogitari & dici potest, de eo debet esse aliqua scientia. Cùm ergo cogitationes humanæ ita altè debeant ascendere, ut tandem subsistant in iis, quæ in nullâ disciplinâ inferiore explicari possunt, ideo oportet esse aliquam disciplinam, quæ de hisce generalissimis tractet. Talis est ars illa magna, quæ ipsâ Metaphysicâ superior est. Quid enim? Metaphysica explicat rationem bonitatis, non quatenus est applicabilis ad hanc vel illam bonitatem, sed quatenus est transcendens, quod refertur ad voluntatē. Ecce Metaphysicus utitur voculâ *refertur*. Unde eâ habet? Ex arte magnâ. Ibi enim agitûr de relatione non prædicamentali illâ, sed aliquâ superiori. Ratio: quia inter ens & bonum & voluntatem est relatio, non prædicamenti, sed excellentior quædam. Ens enim & bonum sunt transcendentia: ideoque non considerantur in prædicamentis. Sed manum de hâc tabulâ. Quilibet abundet suo sensu. Ego nulli præscribo: sed liberè commemoro aliorum sententias: quæ si minùs approbæ, nigro theta, per me licet, notentur & jugulentur.

Ars magna  
est superior  
ipsâ Meta-  
physicâ.

arte. 19. de facultatibus, quas vocant, adeoq;  
de connexione disciplinarum. 20. de præle-  
ctionibus. 21. de examinibus. 22. de exerci-  
tatione seu usu studiorum. 23. de lectione.  
24. de memoriæ exercitatione. 25. de scripti-  
one. 26. de imitatione. 27. de declamatio-  
ne. 28. de disputatione. 29. de exercitatione  
corporis. 30. de diligentia. 31. de indiligen-  
tia & otio. 32. de relaxatione.

*Historica canonica, sive technologia pars hos ordine* 2. *Historica*  
*titulos continebit.*

1 De Philosophis, eorumq; sectis: ubi de  
præceptoribus, & discipulis.

2 De libris & bibliothecis.

3 De Scholis.

4 De gradibus in Academiis.

5 De Musæis.

6 De Peregrinatione.

*Tertia canonica, seu technologia pars, est methodi* 3. *Methodi-*  
*ca; quæ est generalis introductio in omnes sapientias,* *ca.*  
*scientias, prudentias & artes, de methodo in iis obser-*  
*vanda: non Logicâ illâ, quæ est vel Analytica,*  
*vel Synthetica, ut Peripateticis placet; vel, ut*  
*Ramæi volunt, unica: sed de ea, quæ est notio*  
*prima, quæ jubet quamlibet disciplinam in*  
*quatuor secare partes, in quibus singulis ob-*  
*servantur leges methodi Logicæ.*

*Ista methodus est duplex: una Sturmii, altera mi-*  
*xta, quam è Beurhusio, Keckermanno, & Timplerio*  
*hausimus.*

*Sturmii hanc methodum observandam es-* *Methodica*  
*se docet in epistolis classicis & Academicis. Si-* *Sturmii.*


Omnes ar-  
tes tradi  
debent

1. Per Insti-  
tutiones.
2. Digesta.
3. Codicem.

cūt J Cti suas habent Institutiones, quibus Ju-  
ris epitome continetur, quatuor libris distin-  
ctas: deinde Digestorum seu Pandectarum vo-  
lumen, quod ex veterum J Ctorum libris com-  
positum est: tertio Codicem, quo Imperato-  
rum Constitutiones continentur: sic omnes  
omnium disciplinarum Professores anniti de-  
bent, ut tradant disciplinas per Institutiones,  
Digesta & Codicem. Sic Theologi v.g. habeant  
I. Institutiones quinque capitum Catechetico-  
rum. II. Digesta, sive Pandectas Theologi-  
cas, id est, Locos communes. III. Codicem,  
in quo summi Monarchæ statuta, id est, dicta  
Scripturæ explicanda sunt.

Methodica  
mixta.

*Methodus mixta sic dicitur ratione authorum,  
quibus eam acceptam ferimus. Ejus canon est: O-  
mnis disciplina, facultas, ars, scientia, tradatur per Le-  
xicon, Præcognita, Systema, Gymnasium.*



## SECTIO IV.

### *De Lexicis disciplinarum.*

An Lexica  
Philosophi-  
ca sint ad-  
ornanda?  
Affirm.  
Ratio Lab  
utili.

**B** Eurbusius in præfatione Nomenclaturæ author  
est, ut singularum artium Lexica conficiantur.  
Nam si congruens cum doctrinarum &  
artium noëmatis ordo observetur, juvenis,  
ut naturali illo ordine omnia facilius condi-  
scet, ita à teneris etiam unguiculis artium li-  
neamenta cum earundem vocibus mēte com-  
plectetur. Et hæc Lexicorum adornatio non  
requirit conjunctas plurium doctissimorum  
hominum operas, non magnos sumtus: sed fa-  
cillima

Rat. 1. à fa-  
cili.

cillima est omniū, si accedat diligentia mediocris. Sicut enim Logica, artium mater & magistra, ordinem observare docet in rerum dispositione: ita eidem artium ordini cujusque linguæ vocabula formulæque loquendi adaptandæ. Itaq; in hujusmodi Lexicis, vel Onomasticis, ad ipsam artiū doctrinarumq; methodum vocabula ex usu purè loquentium hoc pacto digerenda sunt, ut à generibus incipiendo, per species subalternas ad infimas illa deducenda sint. Adornentur igitur Theologicum, Logicum, Juridicum, Physicum &c. Lexica. Hâc ratione pueri discent intelligere ipsos artium terminos: quos qui intelligit, nã ille multum profecit. Et sanè hæc est causa inter multas præcipua, quòd hodie pauci cognitionem rerum consequantur, quia coguntur ætatem consumere in addiscendis vocabulis, & quidem ordine planè inepto, qui adversâ fronte currit cum ordine rerum. Quod de verbis simplicibus dico, etiam de phrasibus dictum volo. *Eapropter tot sunt conficienda Lexica, quot sunt volumina rerum seu disciplinarum.* Et hæc volumina vocabulorum nolim esse distincta à voluminibus rerum in scientiis occurrentium. Hoc volo. Fiat volumen grande, in quo eæ artes describantur, quas discere cupimus. Singulis artibus quaternæ istæ partes, Lexicon, Præcognita, Systema, Gymnasium, deputentur. Et hoc est, quod *Keckerm. docet in appar. pract. cap. 8. pag. 88. Vocabula & phrasæ posse disponi ordine rerum.* Oggeris, vocabulorum

explicationem in ipsis Systematis proponendam esse. Rehero: inter duo bona id quod est melius est eligendum. Pone igitur in bilance utrumq; ordinem, & videbis eum præponderare quem tibi dilaudavi. Ex his intelligis, opinor, quòd talia Lexica sint adornanda: jam ostendam, quomodo sint adornanda?

Quomodo  
adornanda  
sint Lexica  
disciplina-  
rum?

In singulis  
vocalibus  
tria sunt  
notanda:

1. Paronymia.

2. Synonymia.

3. Homonymia.

*Modus adornandi talia Lexica hos habet canones.*

I. *Ea tantùm explicentur vocabula, quæ sunt difficiliora, non autem puerilia, & faciliora.*

II. *In singulis vocabulis tria notentur, paronymia, synonymia, homonymia.*

III. *Paronymia est definitio nominalis, seu notatio.*

IV. *Synonymia est vocis declaratio per alias æquipollentes. Huc pertinent epitheta, & antitheta.*

V. *Homonymia est observanda, id est, necessaria est distinctio, si vox sit ambigua.*

VI. *Absolutâ explicatione vocis, adjicienda est explicatio phrasum. E. g. in Theologico Lexico ad titulum de providentia Dei, breviter possunt annotari phrasæ elegantiores, quæ exprimunt Dei providentiam. Sic in Lexico politico ad titulum de legatione & legatis, phrasæ insigniores notentur: ut, legationem obire, & quæ sunt similes.*

SECTIO

~~~~~

## SECTIO V.

### *De præcognitis disciplinarum.*

**U**T singulæ artes sua habent Lexica: ita & singulis sua sunt præcognita. *Arist. 1. post. analyt. & 6. Eth. c. 4. ἐν ἀρχῇ τῶν ποικίλων πᾶσα διδασκαλία: omnis doctrina est è præcognitis.* Vide *Vivem, Zabarellam, & Keckerm.* variis in locis.

*Præcognita igitur sunt generalis & anticipata doctrina de artis alicujus naturâ & studio. Næ infelicitèr versabitur in re grammatica, qui Grammaticæ naturam vel rationem studii, quod ei impendi debet, ignorat.*

Præcognita  
quæ sint &  
dicantur.

*Natura cujuslibet disciplina explicatur definitione, & distributione. Keckerm. in Logic. principio. Vide hinc inde Zabarellam.*

Natura di-  
sciplinæ quæ  
sit indaganda?

Scholasticorum hæc de re doctrina talis est:

Primum in qualibet disciplinâ studium nostrum in eo versari debet, ut ejus naturam indagemus. Id autem fit, cum præ proprium ejus nomen expenditur, & omnino quid cum aliis commune habeat, quidque sibi ut proprium vendicet, quem inter doctrinas locum, extremumne aliquem, an intermedium obtineat. Hanc methodum ut non carpo, ita nec laudo, ductus amore prioris, quæ Zabarellæ & Keckermanno probatur.

*Definitio disciplinæ est præcognitio, eaque vel dirigens, vel agens. Zabarella de præcogn.*

Definitio  
est præcognitio:

*Præcognitio dirigens est definitio nominis: quæ est*

1. Dirigens.

quidem necessaria ad rei notitiam comparandam, tamen ad eam notificandam non sufficit: ut præcognitio nominis *Theologia* est necessaria, si ipsius *Theologiæ* notitiam consequi debeamus, attamen ex eâ solâ in cognitionem *Theologiæ* non ducimur: quia nominis notitia non habet processum syllogisticum. Præcognitio ista vocabuli petenda est è *Lexico*.

2. *Agens.*

*Præcognitio agens est definitio rei; quâ ipsa disciplina definitur per genus & differentiam.*

*Distributio est, quâ partes cujusq; discipline præcognoscuntur.*

Partes præcognoscendæ in disciplinis.

Præcognita scientiarum theoreticarum.

*Partes, quæ præcognosci debent, sunt alia contemplativarum, alia activarum disciplinarum.*

*In scientiis contemplativis tres partes præcognosci debent: primò, subjectum: 2. principia, seu causa: 3. affectiones.* Zabarella l. de tribus præcognitis c. 1. & l. 2. de meth. c. 6. Keckerman. syst. logic. l. 3. tract. 2. c. 1. Hinc Arist. 1. post. analyt. asserit, omnem scientiam contemplativam in tribus versari: in subjecto, de quo demonstrationes fiunt; in ejus affectionibus, quæ in ipso inesse demonstrantur; & in principiis, ex quibus illæ demonstrantur; & horum quodlibet ante demonstrationem censuit esse aliquâ ratione præcognoscendum. In tribus igitur omnis scientia contemplativa versatur, subjecto, affectionibus, & principiis. Zabarella d. l. c. 1.

*Subjectum præcognoscitur secundum suas conditiones, quæ sunt numero sex.*

Subjecti conditiones in scientiis contemplativis.

1 Ut ipsum per se sit ens, hoc est, absq; humana cogitatione, vel operatione jam existat.

2 Ut

2 Ut sit præcognitum, & quid nomen significet, & quòd sit: non autem quid sit: quia definitio essentialis è propriis rei principiis declaratur.

3 Ut affectiones proprias habeat, propriaq; accidentia.

4 Ut unum sit, unitate collectionis & universalitatis. *1. post. 1. 179. Zabbar. citato l. c. 2.* Nam ab hac unitate subjecti tota scientiæ unitas pendet.

5 Ut ejus consideratio nulla alia sit, quàm prout his omnibus tanquam basis & fundamentum substernitur, sed non ut alteri inhæret.

6 Ut duas partes habeat: unam, quæ materiæ locum tenet, & dicitur res considerata; alteram, quæ loco formæ est, & vocatur modus considerandi. Hæc autem præcipua pars est. Ab hac enim ipsa scientia constituitur & pendet. Nam res considerata potest esse huic scientiæ cum aliis communis: at modus considerationis cujusq; scientiæ est proprius.

Subjecti  
duæ sunt  
partes: vi-  
del. materi-  
ale & for-  
male.

*Affectiones præcognoscuntur secundum tres suas conditiones: quarum*

Affectio-  
num tres  
sunt condi-  
tiones.

1 Est, ut affectio consideretur, tanquam inhærens subjecto.

2 Ut consideretur, tanquam per se & essentialiter inhærens, & naturam atque essentiam propriam illius subjecti consequens.

3 Ut prænoscat, quid nomen ejus significet.

*Principia præcognoscuntur hoc modo:*

Principia  
qui præco-  
gnoscenda  
sint;



I Quòd sint. Principia namq; propriè dicuntur illa, quæ quòd sint, non possint ullâ ratione in scientiâ suâ demonstrari, neq; à priori, neque à posteriori. Hæc enim propriè principia cognitionis dicuntur, quibus in eâ scientiâ nihil est notius. Sicut enim nulla disciplina suum subjectum probat vel constituit, sed ab aliâ superiore constitutum accipit: ita nulla disciplina probat sua principia, sed ea lumine alicujus superioris scientiæ demonstrata accipit.

2 Quid significant nomina. Et ita principia conveniunt cum subjecto. Nam & subjectum, & principia debent esse præcognita, non modò quid significant nomina, sed etiam quòd sint. Et hoc competit primariò principii cognoscendi, secundariò principii essendi. Præterea principia & subjectum in suâ scientiâ non posse demonstrari, ita patet. Principia sunt vel simplicia, vel complexa. Complexa nullo modo demonstrari possunt in suâ scientiâ: quia nihil in eâ scientiâ illis est prius: unde & principia cognitionis vocantur: quia nihil in eâ scientiâ iis est notius, per quod demonstrari possint. Principia verò simplicia, quæ essendi principia sunt, ignota sunt, ac demonstrari possunt; non tamen à priori; quia nullam habent causam priorem, sed à posteriori ex effectu aliquo notiore. Subjectum etiam in suâ scientiâ demonstrari non potest, neque à priori, neq; à posteriori, ut *Aristot.* disputat: quamvis *Scotus*, & *Baldwinus* contrarium perti-

Principia  
qui sunt in-  
demonstra-  
bilia.

Principia  
sunt  
1. Comple-  
xa, seu co-  
gnoscendi.

2. Incom-  
plexa, seu  
essendi.

Subjectum  
artis est in-  
demonstra-  
bile.

pertinaciter defendant. Velim autem intelligere, quomodo substantiarum, & eorum, quæ nulli inhærent, demonstratio esse queat: quum *Aristoteles* dicat, accidentium tantummodo demonstrationem esse. Et hoc ipsi demonstrationis naturæ est consentaneum. Quum enim id, quod demonstratur, alteri inesse demonstretur, demonstratio non est, nisi illorum, quæ alteri inhærent. Repugnat autem conditioni subjecti, ut tanquam alteri inhærens consideretur; sed solum ut aliis subsans considerari potest. Cæterum dignum est consideratione, quomodo quælibet scientia habeat & subjectum & principia & accidentia propria, & quomodo eadem habeat communia cum aliis pluribus scientiis. Subjectum quidem, alio & alio considerandi modo acceptum pluribus disciplinis potest esse commune. Duz enim sunt subjecti partes, res considerata, & modus considerandi. Res considerata pluribus disciplinis potest esse communis. At modus considerandi non item. Is enim est veluti forma, quæ cujusque scientiæ propria est. Et ab hac ratione formali omnia tum principia, tum accidentia oriuntur, tanquam à communi radice. Si igitur subjectum est radix principiorum & affectionum; efficitur, principia & affectiones imitari naturam subjecti. Itaque sicut subjectum diversimodè acceptum, est proprium, & commune: ita etiam affectiones, & principia diversis modis considerata, sunt propriae ejus scientiæ, in qua traduntur, & eti-

Subjecti  
duz sunt  
partes.

Scientiæ  
subalternan-  
tæ quæ sint:

am pluribus scientiis communicantur. Hoc  $\delta\phi\theta\alpha\lambda\mu\phi\alpha\nu\acute{\epsilon}\varsigma$  est in scientiis subalternatis. Nam disciplina subalternata à subalternante accipit & subiectum, & principia, & affectiones. Talis autem subalternatio tantum datur in Mathematicis: ut eruditè probat *Zabarella de trib. præcog. c. 12.* Neque enim omnes disciplinæ subalternantur primæ philosophiæ, neque medica facultas Physicæ. Nam subalternata aliqua scientia alteri scientiæ esse dicitur, quando idem subiectum, quod in superiori subalternante abjunctum à materia & omni sensili qualitate consideratur, ipsa cum certæ materiei & sensilis qualitatis additione contemplatur: ut Arithmetica de numero tractat, nullam sensilem habente qualitatem, abstractè, quatenus est  $\nu\omicron\eta\lambda\acute{o}\nu \pi$ : Musica verò in eodem versatur, quatenus consideratur cum sono, sensili qualitate, id est, concretè, quatenus est  $\alpha\iota\delta\eta\tau\acute{o}\nu \pi$ . Itaque Musicus ex Arithmetica accipit subiectum, principia & affectiones.

Methodus  
synthetica.

*Sic præcognosci debent partes disciplinarum contemplativarum; quæ disponuntur methodo synthetica, quæ progreditur à subiecto contemplationis universali ad particularia, atque adeò à simplicibus ad composita. Exemplum evidens cum primis est in Physicâ: ubi præcognoscuntur tria; subiectum, putà corpus naturale, ejus affectiones & principia. His præcognitis descenditur ad species corporis naturalis, videlicet corpus simplex, mixtum &c. atque ita à summo genere ad species infimas devenitur.*

Exemplum  
methodi  
syntheticæ.

*Conse-*

*Consequens jam est, ut de præcognitis disciplinarum  
 practicarum & factivarum agamus, quæ disponuntur  
 methodo analytica; quæ progreditur à prænotio-* *Methodus  
analytica.*  
*ne finis ad cognitionem principiorum, seu me-*  
*diorum, per quæ finis ille in subjectum suum*  
*introducitur. Fundamentum hujus ordinis*  
*traditur 7. Metaph. text. 23: ubi disertè ait, artes*  
*esse tradendas præcognitione finis, ut archi-*  
*tectonicam præcognitione domus. Confer*  
*7. Eth. 8. & 6. Eth. c. 3. & 4. Hæ namque artes fi-*  
*nem habent, non scientiam, sed operationem,*  
*& à prænotione finis ad principia operationis*  
*invenienda progrediuntur. Ideo finis in eis*  
*est terminus à quo; principia verò, terminus*  
*ad quem: quo fit, ut ex scopo illarum discipli-*  
*narum tria ista, subjectum, principia, & affecti-*  
*ones colligere nequeamus, sed alia vel tria, vel*  
*plura tribus, in quorum consideratione ver-*  
*sentur, ut finem, principia, & subjectum: veluti*  
*in arte medica sanitatem, auxilia, & humanum*  
*corpus; & fortasse etiam plura. Ars enim me-*  
*дика in signis quoque versatur. Cæterum non*  
*est possibile aliter disciplinam operatricem*  
*disponi, quàm finis prænotione: quia finis est*  
*primum operationis principium, ideoq; men-*  
*sura omnium mediorum, quæ in tali disciplina*  
*tradenda sunt, & quæ non posset mens nostra*  
*distinctè concipere, nisi finem eorum, per*  
*quem sunt quod sunt, præconciperet. Unde*  
*vetus illud dictum: Intellectus operationis incipit* *Intellectus  
practicus,*  
*à fine. Hoc notandum est pro Zabarella contra*  
*Piccolomineum. Exemplum evidens hujus*

methodi ab Aristotele proponitur in Ethicis, ubi *l. 1.* finis præcognoscitur, nempe felicitas; pòst subjectum, nimirum hominis intellectus & voluntas; sequentibus libris media traduntur, per quæ finis introducitur. Sic in Theologiâ, Grammaticâ, Jurisprudentiâ & Medicinâ hæc ipsa methodus observanda venit. Vide *Keckerm Syst. Logic. l. 3. tract. 2. c. 1.*

Præcognita  
artium præ-  
dicarum.

*Canones de præcognitis disciplinarum operatricium hi sunt:*

*I. Partes methodi analyticae tres sunt; 1. Finis introducendus. 2. subjectum, in quod introduci-  
tur. 3. principia, seu media, per quæ finis introduci-  
tur in subjectum.*

*II. Finis præcognoscitur; primò, quòd sit, id est, quòd produci possit: secundò, quid sit.*

*III. Finis habet duplicia accidentia; inventionem mediorum, & finis possessionem.*

Ea quæ pertinent ad inventionem mediorum, ex quibus finis produci debet, præcognosci debent. At ea, quæ pertinent ad finis possessionem & conservationem, non debent præcognosci.

*VI. Unitas disciplinae operatricis pendet ab unitate finis:*

Sicuti scilicet antea dictum, quòd unitas scientiæ contemplativæ pendeat ab unitate subjecti.

*V. Subjectum præcognoscitur tribus modis.*

*1. Quòd sit. 2. Quòd finis capax sit.*

*3. Quòd habeat accidentia, quæ proximè ad finem pertinent.*

*VI. Me-*

VI. *Media non præcognoscuntur, sed tractantur progrediendo ab universalibus ad particularia, à simplicibus ad composita*

*Hæc sunt præcognoscenda de natura alicujus discipline: sequitur, quid præcognoscendum sit de studio alicujus discipline.*

Præcognita de studio discipline.

*Hic considerata sunt officia tum docentis, tum discipuli.*

*In docente considerata veniunt duo; requisita docentis, & modus docendi.*

*Requisita docentis sunt*

1. *Facultas, seu notitia ejus discipline, quam docere debet: ut scilicet possit docere.*

Requisita docentis.

2. *Voluntas, seu candor & benevolus affectus, ut velit.*

3. *Arsiduitas & constantia, ut semper & possit & velit.*

*Modus docendi continet methodum, & circumstantias.*

Modus docendi.

*Methodus est, quâ docens informat discipulum per præcepta, & exercitia.*

*Præcepta erunt vera, ordinata, utilia.*

*Exercitia erunt partim privata, partim publica.*

*Circumstantia sunt, locus & tempus.*

*Locus deligendus est salubris, tranquillus, mediocriter amœnus.*

*Tempus aptissimum est matutinum.*

*Sic docenda sunt artes: in iis discendis considerantur itidem, requisita discipuli, & modus discendi.*

Requisita  
discantis.

*Indisciente duo requiruntur.*

1 *Aptitudo, ut possit discere eam artem, quæ tradenda est.*

2 *Voluntas, ut velit discere.*

*Aptitudo discantis continet ingenium & memoriam mediocria.*

*Ingenium quidem requiritur ad res artis tum apprehendendas, tum judicandas: memoria verò ad imprimendas & servandas.*

*Voluntas discendi complectitur 1. propositum re-  
ctum, 2. constantiam in proposito.*

Modus di-  
scendi.

*Modus discendi duo continet.*

1 *Quid discendum sit.*

2 *Instrumenta, quibus discitur.*

*Discenda sunt in qualibet arte principia, præcepta, canones & commentarii.*

*Instrumenta discendi sunt duo, attentio, & lectio.*

Attentio.

*Attentio est 1. qua quis intendit nervos ingenii.*

*Ea est summè necessaria, juxta illud Græcorum: τῆς ὀπιμείας πάντα δ' ἄλλα, καὶ τῷ πόνῳ πάντα πόσιμα.*

2 *Est acroasis, cujus summa est utilitas. Talem autem debemus quærere in qualibet disciplina præceptorem, quem amemus, quem admiremur.*

Lectio.

*Lectio est authorum evolutio.*

*Hic tria notanda, quinam authores in singulis artibus legendi, quo ordine, quo deniq. modo.*

*Authores legendi sunt omnes, qui possunt haberi in ea, quam discimus, arte. Recentiores autem præmittendi sunt veteribus, & dogmatici textualibus seu analyticis.*

*Ordo,*

*Ordo, quo legendi sunt authores, ita habet.*

*Triplex erit lectionis intervallum in qualibet arte. Lectio erit*

*Nam lectio, pro ratione atatis, est prima seu puerilis, triplex:  
crescens seu juvenilis, & adulta.*

*In prima illa methodicus aliquis non precipuus so-* l. Prima, seu  
*lūm evolvatur, sed solus: ut methodus & corpus artis* puerilis.  
*primū serió forme tur, uno quodam habitu.*

Si tempus pro ingeniis definiendum, definitur in subtiliore aliquo semestri, in durior annus. Id si displicet, hoc habe consilium. In serie disciplinæ & definitionibus ac divisionibus ediscendis ponantur menses duo, si brevior sit disciplina; si longior, quatuor: nec prius cessetur, quàm ad unguem possis seriem præceptorum enumerare. Definitionum & divisionum serie fideliter perceptâ, accedas ad regulas generales, & has quoque comprehendas; quod fieri poterit in breviori disciplinâ spatio quinque vel sex septimanarum; in longiori, trium mensium cum dimidio. Sed hîc cautione est opus. Nam disciplina, quam discis, aut directè facit ad tuum scopum, aut indirectè. Si indirectè spectet ad scopum tuum, poteris in definitionibus, divisionibus & generalibus regulis acquiescere. Sin verò directè tendat ad tuum scopum, pergendum est omnino ad specialissima. Hoc in longioribus disciplinis spatio sesquimensis vel duorum mensium; in brevioribus, spatio quinque septimanarum expediri poterit.

*Puerilem lectionem excipiat crescens, quæ uni illi alios 2. Crescens.  
adjungat authores, & quidem methodicos adjungat.*



3. Adulta.

*Adulta tandem & virilis evolutio liberè se exerat, & vagetur per veterum & recentiorum authorum, analyticorum & polemicorum, omne genus.*

*Ut autem illud lectionis intervallum observari queat, velim fieri typos & calendaria singularum artium.*

Typi studiorum formandi sunt.

*Typi studiorum sunt certa tabula, quas sibi quilibet formare debet, aut curare ab aliis formari.*

*Typi isti sunt, vel methodici, vel horarii.*


*Methodici sunt, quando studiorum dispositionem facimus, secundum ipsam rerum methodum.*

*Horarii sunt, quando disponimus studia secundum horas.*

Calendaria studiorum.

*Calendaria sunt, quando disponimus studia secundum dies, septimanas, & menses.*

*Hujusmodi typos & calendaria (puta Theologica, Physica, &c.) semper in conspectu in Muséis suis habeant studiosi; & innovent subinde secundum intervalla trium, quatuor, aut ad summum sex mensium.*



## S E C T I O VI.

*De systematis disciplinarum.*

**N**on satis est disciplinarum lexica & præcognita, vel tradidisse, vel percepisse: debent insuper accedere systemata & gymnasia.

*A præcognitis igitur ad ipsummet systema deveniendum est.*

Systematis ejusq; tres sunt partes:

*Partes cujusq; systematis tres esse debent, præcepta, regula, commentarii.*

*Et hæc debent à se invicem discerni typis, five characteribus.*

*Præ-*

*Præcepta sunt definitiones & distributiones.*

1. Præcepta.

*Definitiones erunt & breves & accurata.*

*Distributiones erunt paucae; ita tamen comparatae, ut totam rei naturam lectori ob oculos ponant. Multa subdivisiones sunt memoriae carnisifica.*

*Regulae sunt vel theorematum, vel canones.*

2. Regulae.

*Theorematum sunt tales regulae, quae traduntur in disciplinis theoreticis; ut, in Metaphysicâ, Physicâ, Mathematicâ: & quae nihil aliud continent, quam rei antea definitae propria accidentia & effecta cum suis causis.*

*Canones sunt tales regulae, quae traduntur in disciplinis operatricibus: in quibus praeter accidentia & effecta propria, & praeter causas principales, etiam causae minus principales, itemque cognata & opposita assignantur. Neque hic valet objectio, quod definitiones sint regulae, & contra. Sanè qui discrimen inter definitionem & regulam non videt, nondum Grammaticis tinctus est elementis & praeceptis.*

*Commentarii sunt & explicationes & applicationes praeceptorum & regularum.*

3. Cōmentarii.

*Commentariorum partes sunt*

1. *Exempla.* Exempla autem erunt deprompta ex omni generis disciplinis, si ars sit generalis. V.g. Logicus exempla physica, poetica &c. adhibebit.

2. *Explicatio eorum, quae in praeceptis vel ambigua, vel obscura.*


3. *Ratio connexionis & methodi.*

4. *Quaestiones & controversiae utiles.*

5. *Auctoritates, sive auctores; iique tum veteres,*

tum recentiores, quorum hi illis persæpè sunt clariores & faciliores.

Hæc methodus observanda est in systematis, prout nos docuit *Keckermannus* & exemplo, & præceptis suis hac de re editis. *Cl. Timplerus* sua systemata tradit per theoremata, & problemata. Si illius methodus arridet, utere, frui.



## SECTIO VII.

### *De gymnasiis disciplinarum.*

**T**alis erit ratio systematum in quibuslibet disciplinis: sequitur modus gymnasiorum.

Omnes artes sua habent Gymnasia.

Omnes enim disciplinæ sua habent gymnasia. Hoc quia est controversum, probandum est. Probo autem inductione, rem ita sese habere. Artes *παιδείας*, uti sunt logicæ illæ, habent sua gymnasia. Vide *Keckermannum*, qui tradidit Logicam per Systema & Gymnasium, Rhetoricam consimili methodo. Scientiæ & artes theoreticæ & practicæ sua etiam habent gymnasia. Rationem peto ex illo protrito: *Natura incipit, ars dirigit, usus perficit.* Exinde videre est, quòd quælibet disciplina discatur duobus mediis, naturâ & curâ. Cura illa est, vel artis, vel exercitationis. De curâ artis systemata præcipere debent. Ubi jam est cura exercitationis? Ea tradenda utique, nisi vehementer fallor, in Gymnasiis disciplinarum. Sed hoc est, quod hodie autores neglectum eunt. Sed magno & suo & discipulorum damno. Ego enim nunquam

quam Metaphysicum dixerò, qui præcepta intelligit. Usus Metaphysicæ in aliis scientiis requiro à Metaphysico. Nulla enim est disciplina, quæ in sola rerum, quas tractat, cognitione acquiescat, neque eam ad certum aliquem vitæ humanæ usum transferat. Hinc dicunt: *Theoria sine praxi est mortua*. Intellige praxin latè acceptam. Nam praxis strictè accepta est propria disciplinarum operatricium; & ita distinguitur contra theoriam, adedò quidem, ut contradistinctum includat contradistincti negationem. Dum igitur dico, singulas artes habere suam theoriam & praxin, hoc volo: in omnibus disciplinis primò tradenda esse præcepta, deinde usum præceptorum. *Etenim disciplinae considerantur vel absolute, vel relatè. Absolute, quatenus continent res, quæ dignæ sunt, ut propter se cognoscantur. Relatè, quatenus conferuntur cum aliis disciplinis: de quâ relatâ consideratione accipio illud Ciceronis pro Archiâ poëtâ: Etenim omnes artes, ait orator, quæ ad humanitatem pertinent, habent commune quoddam vinculum, & quasi cognatione quadam inter se continentur.* Sic ille. Hanc cognationem ostendere oportet in gymnasiis, ut ita appareat, quomodo una disciplina faciat ad alterius illustrationem. Dicis: Praxis disciplinarum tradenda est in ipsismet systematis per exempla. Dico: Praxis ex parte traditur in systematis. Nam distinguendum est inter praxin disciplinæ specialem & generalem. *Specialis praxis ostenditur per exempla in systematis.* Hic perverlim studiosum observare, cui facultati velit

In omnibus disciplinis spectanda est praxis.

Disciplinarum consideratio duplex; absoluta & relatâ.

Praxis cuiusq; disciplinæ est vel specialis,

vel genera-  
lis.

animum adjicere. Sic enim fiet, ut exempla scopo suo accommodata colligat in eâ, quam discere satagit, disciplinâ. V.g. lecturus systema Logices, perpendat, cui se addicere cogitet facultati. Si Theologiæ est studiosus, præcepta logica (de Metaphysicis &c. idem esto judicium) accommodabit scopo suo, observando exempla Theologica. Talis est artium praxis specialis. *Generalis est, quæ in Gymnasio alicujus discipline traditur, quæq; ostenditur, quisnam usus sit unius alicujus discipline in reliquis.* Sic Metaphysicum gymnasium continebit usum ejus in Theologiâ, Philosophiâ &c. Quid? Exercitatio fermè est potior ipsâ arte. Sicut igitur artis latifundium speciosè excolitur: ita & exercitationis ratio in singulis disciplinis graphice est depingenda. Ea propter tria ista concurrant in quolibet studio: natura, ars, exercitatio: quâ de re prolixè & acutè, more suo, disputat Keck. in *Gymnas. Logic. l. i. præcognit.*

Ex his videre est, quòd Gymnasia singularum disciplinarum sint adornanda: jam videntum, quo sint adornanda modo.

Modus ad-  
ornandi  
Gymnasia  
disciplina-  
rum.

Usus disci-  
plinarum  
internus.

Locorum  
communium  
adornatio.  
Modus pri-  
mus ad-  
nandi L.C.

*Gymnasium cujuslibet disciplina, qualisqualis ea sit, agere debet de illius ipsius disciplina usu cum interno, tum externo.*

*Usus internus est, quo præcepta in Systemate tradita illustrantur, nondum applicantur.*

*Estq; vel selectio, vel exercitatio.*

*Selectio est locorum communium adornatio.*

*Loci communes singularum disciplinarum tractari debent per thesin, & antithesin.*

*Thesis*

*Thesis est vera sententia brevis delineatio.*

*In thesi excutiantur verba, & res.*

*In verbis tria semper notentur, paronymia, synonymia, homonymia.*

*Res pertexantur definitionibus & divisionibus. Antitheses hac sunt membra: 1. Indicatio falsae sententiae, qua sit brevis, & fiat verbis adversariorum. 2. Remotio eorum, qua non sunt in questione, & formatio status controversiae. 3. Brevis refutatio argumentorum contrariorum. 4. Indicatio & originis & scopi falsae sententiae.*

*Si cui hac locorum communium methodus non ar-* Modus alius adornandi L. C.

*I. Loci digerantur juxta praecepta in Systemate.*

*II. In singulis locis semper observentur tituli, qui sunt:*

*1. Textus, seu praecepta. 2. Explicatio praeceptorum. 3. Quaestiones. 4. Objectiones. 5. Canones confirmantes & confutantes. 6. Testimonia. Distinguantur igitur binæ columnæ, è regione sibi oppositæ, singulæ in ternas partes; distinguantur, inquam, lineis, & hisce titulis insigniantur.*

*Exercitatio est examen, declamatio, disputatio, collatio.* Exercitatio, ejusque ratio.

*Examen est vel tacitum, vel fixum.*

*Tacitum fit persuntorie, percurrendo summa fastigia tantum.*

*Fixum, quod & Pythagoreum dicitur, fit statuto tempore. Estq; 1. quotidianum, quod fit singulis vespertis. 2. hebdomadarium, quod fit ultimo die cujusque septimanæ. 3. menstruum, quod fit ultimo die cujusque mensis. 4. trimestre. 5. semestre. 6. annuum. Ostendatur igitur in singulis disci-* Examen Pythagoreum quid sit?

plinis & facultatibus, quî illud examen sit instituendum.

*Declamationes & Disputationes vigeant & privatim & publicè.*

Collegii  
Gelliani ratio  
& utilitas.

*Collationes probo eas potissimum, quæ instituuntur in collegio aliquo Gelliano: ubi scilicet plures conjungunt, suas operas, & domi legunt de unâ eâdemque materia quamplurimos authores, apud quos ἀξιωματικόν τε occurrunt, quæ annotant, & postea cum reliquis communicant, V.g. studiosi Astrologiæ talem studii ineant rationem, ut primus legat Ptolemaum, secundus Copernicum, tertius Tychonem de Brabe, & ita singuli singulos. Conveniant dicto quodâ & statuto tempore, & fideliter referant, quæ observaverunt. Hæc est via ad eruditionem maximè compendiaria. Vide Sturmium in epist. Academ. & Keckerm. de modo discendi.*

Ufus disciplinarum  
externus.

*Talis erit usus internus: sequitur externus, quo præcepta & regulæ cujusque Systematis applicantur aliis facultatibus & scientiis.*

Et hoc est præcipuum quod in aliquo Gymnasio est observandum. E.g. Studiosus Metaphysices, vel Physices annotet, quemnam præcepta & regulæ habeant usum in Theologiâ, Jurisprudentiâ, Medicinâ &c.

PERO-


SECT. VII. DE GYMNASIIS DISCIP. 41  
PERORATIO PAN-  
CEÆ PHILOSOPHIÆ



plinis & facultatibus, quæ illud examen sit instituendum.

Co  
Ge  
tic  
ta

Un  
pli  
ex



Sectione IV.

Studia; per { Definitionem.  
 Divisionem; de partibus } Scientia contemplativa.  
 Studio; de officio { Artis practica & } Sectione V.  
 Docentis.  
 Discentis.

Præcepta { Definitiones  
 Divisiones. }  
 Regula { Theoremata. } Sectione VI.  
 Canones.

Commentarii.

Necessitas

Mores; de usu { Interno; Selectio.  
 qui est }  
 Externo. } Sectione VII.



**S**I quot habet animus meus in cognoscendo vero difficultates, tot haberet innocentiae suæ patronos: alacritate illâ, quæ me calumniæ metu deficit, maxima pars ærumnarum mearum levaretur. At enim verò (ut cum Scaligero loquar) tum mihi, tum plerisque aliis contra evenire manifestum est. Unusquisque enim se & sua tantum crepat, aliena increpat, ab aliis discrepat. Quod te, benevole lector, de me ne suspiceris, etiam atque etiam rogo. Nam qui hoc palam, perpetuoque profiterar: hominis esse hominem juvare, homini ignoscere: qui alios lædam calumniando, obtrektando, contemnendo, cum ejusdem imbecillitatis & natura sim soboles, & alumnus institutione? Iccirco hæc tuo, benevole lector, judicio, tuæ censuræ, tuo examini subjicio. Tu indue animum inimicum, ut possis amicum; indue animum amicum, ut ponas inimicum. Id si facies, faciam intelligas & videas, quâ ratione universa Encyclopædia tradi possit per Lexica, Præcognita, Systemata, Gymnasia. Ea enim maximam partem affecta an perfecta habeo. Si Deus volet, sub cujus vexillo milito, brevi videbis, num ea, quæ adornavi, videri debeant. Interea temporis Deum unâ mecum precare, ut nobis ubertim, benedicat, & c. Scholâ naturæ per Scholam gratiæ in Scholam gloriæ transferat.

GRATIAS TIBI DOMINE JESU!

## CRITICUS

De

## INFINITO HARMONICO;

I D E S T,

Tractatus brevis &amp; perspicuus

*De harmoniâ Philosophiæ Aristotelicæ,  
Lullianæ & Rameæ.*

Homines  
naturâ scire  
desiderant.

Adminicu-  
la discendi  
sunt magi-  
stri  
1. Vivi.  
2. Muti.

Abusus do-  
norum Dei  
apud lite-  
ratos.

Varie phi-  
losopho-  
rum sectæ  
unde?

**H**OMINI innatū est insatiabile sciendi de-  
siderium. Id facit hominem primò mirari  
res pulchras & subtiles, deinde easdem rimari.  
Rimari autem nemo homo potest sine aliquo  
adminiculo. Adminicula autem homo habet  
vel ab auribus, vel ab oculis. Ab auribus sunt  
alii viri docti, qui audiendi, qui adeundi. Ad-  
minicula ab oculis sunt libri, qui à viris doctis.  
Viri illi docti varia à Deo, summo bono, acci-  
piunt dona. Nam

*Omnia non omni dat sua dona Deus.*

Dona ista diversa sunt, non adversa. Homi-  
nes verò pro suâ cæcitate varia ista dona con-  
templantur ceu adversis concurrentia fronti-  
bus. Hinc fit, ut ea non tam ad pacem foven-  
dam, quàm lites ferendas adhibeant. Exemplo  
sunt varix Philosophorum sectæ, inter quas  
cruenta fermè bella sunt enata. Hinc *Thomistæ*,  
*Scotistæ*, *Occamistæ*, aliique sibi invicem bella in-  
dixerunt. Illorum erat sua dona conferre in-  
ter

ter sese, non autem unum alteri anteferre. An-  
 sam igitur hac ratione posteris dederunt, ut il-  
 li juraverint in verba quorundam suorum præ-  
 ceptorumne dicam an deceptorum? Nam in-  
 genium humanum ita est comparatum, ut eum  
 potissimum sequatur, ejusque dogmata exoscu-  
 letur, quem amat, quem admiratur. Hi enim  
 sunt vehementissimi illi affectus, qui hominis  
 ingenium quasi alterant, & ad aliquid agen-  
 dum inflammant. At verò hîc homines non  
 possunt medio ire, sed peccant vel in excessu,  
 vel in defectu. Ibi quidem, dum jurant in verba  
 quorundam sectariorum, & ita fiunt servum  
 pecus. Hîc verò, dum nullius ingenio sese fa-  
 miliariter applicant, & sub prætextu libertatis  
 Philosophicæ omnem authoritatem susque  
 deque habent. Hoc non est liberè, sed arro-  
 ganter philosophari, & dona Dei aliis collata  
 non agnoscere, sed contemnere. Meliores his  
 sunt illi, qui instar apicularum omnis generis  
 floribus assultant, & undique succi nonnihil  
 colligunt. His ego semper me aggregare co-  
 natus sum. Nec frustra id fuit. Fecit enim hic  
 conatus, hæc φιλομάθεια, ut nunquam ullum  
 Philosophorum contemserim, sed semper do-  
 na divinitus illis concessa venerabundus suspe-  
 xerim. Cum primis autem id feci in lectione  
 trium istorum summorum Philosophorum,  
*Aristotelis, Lullii & Rami*: quorum discipuli hodie  
 acerrimè inter se digladiantur, & alii Peripate-  
 tici, alii Lullistæ, alii Ramistæ audiunt. O secu-  
 la! Harmoniam triplicis istius Philosophiæ,

Discipulus  
 debet præ-  
 ceptorem  
 & amare &  
 admirari.

Abusus li-  
 bertatis  
 philosophi-  
 cæ.

Studiosus  
 sit instar a-  
 piculæ.

Tres summi  
 Philosophi.

Harmonia  
triplicis  
Philoso-  
phiz.

Infini-  
tum  
philosophi-  
cum quid  
sit?

Circulus est  
infinitus.

conciliationem istorum Philosophorum si quis inveniat & in medium afferat, annon gratiis animis eam accipietis, quicumq; estis Philosophi? Eam nunc accipite; & in posterum sic statuete, verum vero consonare, licet alio tradatur modo. Multæ viæ possunt nos ducere ad unam eandemq; metam, inter quas aliæ aliis sunt magis compediariæ. Idē judicate de triplici illo philosophandi modo. Eum jam describam, ut ita quilibet videre, vel potius palpare possit, quòd ista harmonia faciat ad inventionem INFINITI PHILOSOPHICI. Quid, inquit aliquis, hoc est infiniti? Annon natura abhorret à progressu in infinitum? Annon infinitum & inutile, imò & μὴ ὄν reciprocantur in rebus creatis? Minimè verò, inquam ego. Aliud est infinitum actu, aliud potentiâ; aliud infinitum φύσει, aliud θεσει. Illud in rebus creatis non datur; hoc datur. Datur in Mathesi. In Mathesi circulus dicitur infinitus, datur, vel potius supponitur, & ut detur, postulatur linea, itemque magnitudo infinita. Circulus ille applicatus, arti Logicæ, & scientiæ summæ, Metaphysicæ, nobis describit discursus infiniti rationem: qui κατ' ἐξοχὴν, nisi malis κατ' ὑπερβολὴν, vocatur infinitus. Nam infinita possunt afferri in quamlibet de quolibet scibili disputationem. Hujus INFINITI sciagraphiam ego in medium dabo; sed iis considerandam, censendam, recensendam dabo, qui non sunt sinistri iudices, sed æqui donorum Dei æstimatores. Tales criticos, scilicet ἀνυποκείμευς, requirit hic  
meus

## mens de INFINITO HARMONICO Criticus.

*Circulus, seu infinitum harmonicum est methodus tractandi unam eandemq, rem infinitis modis.* Harmonici infiniti definitio.

*Ejus consideratur theoria, & praxis.*

*Theoria est, de hujus circuli partibus.*

Infiniti  
harmonici  
theoria.

*Partes sunt termini simplices & incomplexi, qui possunt esse materia terminorum complexorum.*

*Termini isti sunt vel subjecta, vel prædicata.*

*Subjecta sunt, de quibus aliquid dicitur;*

Subjecta  
seu prædicamenta.

*Prædicata, quæ de aliis dicuntur. Quicquid enim occurrit in aliquâ scientiâ, aut subjectum, aut prædicatum est. Sæpè quidem prædicata possunt esse & verò sunt subjecta: sed à potiori fit denominatio. Quia enim ἐπὶ τὸ πλεῖστον prædicantur, & ἐπὶ τὸ ἐλάχιστον subjiçuntur, vocantur prædicata.*

*Subjecta sunt ipsa prædicamenta.*

*Suntq, vel substantia, vel accidentia.*

*Substantia sunt, Deus, Angelus, Cælum, Homo, Imaginativa, Sensitiva, Vegetativa, Elementativa.*

Subjecta  
sunt numero  
tredecim.

*Accidentia sunt, Quantitas, Qualitas, Relatio, Actio, Passio. Ita sunt in universum tredecim subjecta; octo quidem substantialia, quinque verò accidentalia.*



Hi termini tam latè accipiuntur, ut nihil unquam dicatur, ubi subjectum propositionis ex iis non sit depromendum. Sic igitur in quavis re invenienda, quatenus ea propositionis fit subjectum, memoria habet, in quo se fundet.



Prædicata.

*Prædicata sunt, vel transcendentia, vel logica.**Transcendentia sunt illi termini, qui apud Lulium designantur circulo A & T.**Prædicata illa sunt vel absoluta, vel respectiva.*Prædicata  
absoluta.*Absoluta sunt numero novem: videl.*

- |             |             |           |
|-------------|-------------|-----------|
| 1 Bonitas   | 4 Potestas  | 7 Virtus  |
| 2 Magnitudo | 5 Sapientia | 8 Veritas |
| 3 Duratio   | 6 Voluntas  | 9 Gloria. |

Prædicata  
respectiva.*Respectiva sunt totidem, digesta in 3. triangulos.**Prædicata logica sunt vel prædicabilia, vel argumenta logica.*

Prædicabilia.

*Prædicabilia prædicantur vel in quid, vel in quale.**In quid, ut, genus: in quale essentialia, ut differentia:*

*ventia*: in quale accidentale, ut *accidens*: in quale medium, ut *proprium*.

*Argumenta Logica* juxta doctrinam Rami ita habent.

*Argumenta  
logicæ In-  
ventionis  
apud Ra-  
mum,*

Decem sunt loci Inventionis.

I. à CAUSIS.

Causa est

I. Efficiens. II. Materia. III. Forma.

IV. Finis: isq; } Principalis  
                              } Subordinatus.

Causa efficiens

I. { Procreans.  
      } Conservans.

2. { Sola.  
      } Socia { Principalis.  
              } Adjuvans, &  
              } Instrumentalis.

3. { Per se { Naturâ.  
      } Consilio.  
      } Per accidens.

II. ab EFFECTIS.

Effectum est

I. Effectum propriè dictum. II. Materia-  
tum. III. Formatum. IV. Finitum.

III. à SUBJECTO.

Subjectum est

I. Recipiens { in se. II. Occupans  
                  } ad se.       dicitur objectum.

IV. ab ADJUNCTO.

Adjunctum est

I. Receptum { Inhærens. II. Occupatum.  
                  } Adhærens.

## V. à DISSENTANEIS.

Dissentanea sunt

- I. Diverſa. II. Diſparata. III. Relata  
IV. Adverſa. V. Contradicientia. VI. Privan-  
tia.

## VI. à COMPARATIS.

Comparata ſunt

- I. Paria. II. Majora. III. Minora. IV. Si-  
mililia. V. Diſſimilia.

## VII. à NOMINE.

Nomina ſunt

- I. Conjugata. II. Notatio.

## VIII. à DISTRIBUTIONE.

Distributio eſt

- I. E cauſis. II. Ex effectis. III. E ſubje-  
ctis. IV. Ex adjunctis.

## IX. à DEFINITIONE.

Definitio eſt

- I. Perfecta. II. Imperfecta; dicitur De-  
ſcriptio.

## X. à TESTIMONIO.

Testimonium eſt

- I. Divinum. II. Humanum.

*Atq; hæc ſunt prædicata, digeſta methodo Ariſtote-  
lis, Lulli & Rami: quæ ipſa perſæpe etiam ſiunt  
ſubjecta; ut quum diſponitur cauſa cum effe-  
cto &c.*

Praxis in-  
finiti har-  
monici.

*Satis de Theoria circuli: ſequitur praxis ejusdem.*

*Quum aliquid occurrit tractandum, vide num ſit  
thema ſimplex, vel compoſitum.*

Thema  
ſimplex qui  
tractandū?

*Thema ſimplex eſt, quod declarari poteſt.*

*Thema ſimplex eſt, vel terminus unicuſ, vel quæſtio  
ſimplex.*

Termi-

*Terminus simplex est unica vox.*

*Ejus consideratur cum Reductio, tum Deductio.*

*Reductio est, qua terminus ille reducitur ad certum subjectum. Nam de quolibet argumento, ut habet regula, judicandum est à propria sede. V. g. si sit disserendum de Homine, vide ad quodnam pertineat subjectum.*

Reductio  
termini  
simplicis.

*Subjecta illa sunt vel explicita, vel implicita.*

*Explicita, quæ totidem syllabis hinc sunt expressa; ut, quantitas, qualitas &c.*

*Implicita, quæ reducuntur ad suas classes: ut, justitia ad prædicamentum qualitatis.*

*Deductio est, qua deducitur terminus ille per omnia & singula predicata, & unum prædicatum rursum deducitur per reliqua: ut, hominis consideratur bonitas.*

Deductio  
termini  
simplicis.

Hæc bonitas ducatur 1. per prædicata absoluta, ut magnitudinem, durationem, &c. 2. per respectiva. 3. per prædicabilia. 4. per terminos logicos. 5. per prædicamenta.

Et hoc est illud infinitum, de quo agimus. Eodem enim modo consideratur hominis causa efficiens, materia, forma; per prædicata absoluta & respectiva, per prædicamenta. Idem judicium esto de aliis. Talia in hujusmodi deductione occurrunt, de quibus nunquam cogitaturus fuisses absq; hoc adminiculo.

*Questio simplex est, quæ concipitur per Quid, Quotuplex, De quo, Quantum, Quale, Quomodo, Quando, Ubi, Cum quo?*

Quæstiones  
simplices  
qui tractan-  
dz?

*Ad questionem Quid, respondetur à definitione. Definitiones illas Scholasticorum hoc loco*

usurpandas esse statuo. Quamvis enim non sint accuratæ; præbent tamen ansam cogitandi de aliis melioribus. Tales sunt: Quid est Deus? Resp. Est ens, cui competit bonitas, magnitudo &c. divina. Quid est bonitas? Est ens, ratione cujus bonum agit bonum; seu est actus boni, quatenus est bonum. *Abstracta enim definiuntur per sua concreta, & contrà.* Itaq; rem aliquam definiturus, eam ducat per prædicata, prædicamenta, argumenta logica; & quod ibi videt perfectissimum, retineat loco differentia.

2. Quotuplex?

*Ad questionem Quotuplex respondetur è divisione.* Divisio est vel subjectorum, vel prædicatorum.

Subjecta dividuntur per partes, & species.

Partes desumi possunt è prædicatis. V.g. Cœli partes sunt magnitudo, duratio, influentia. Satiùs tamen est partes integrales & essentielles præcognoscere ex aliâ scientia. Idem de speciebus esto iudicium. Fiat igitur catalogus variarum divisionum, quæ semper debent esse in promptu.

Prædicata dividuntur per subjecta: ut, Quotuplex est bonitas? Resp. Est increata, vel creata; alia Dei, alia Angeli, alia cœli.

3. De quo?

*Ad questionem De quo respondetur vel è causis, vel è subjectis:* ut, mundus à quo, item ex quo, est productus? Sapientia de quo dicitur?

4. Quantum?

*Ad questionem Quantum respondetur, vel è quantitate, vel è magnitudine, vel è comparatis in quantitate, paribus scilicet & imparibus:* ut, Quantus est homo? Est Deo minor, equo major.

*Ad qua-*

*Ad questionem Quale respondetur vel è predicatis, 5. Quale, vel è qualitate, vel è comparatis in qualitate, similibus putà & dissimilibus: ut, Qualis est homo? Resp. è prædicatis; est bonus, vel malus. Prædicata quidem illa de Deo prædicantur in Quid & in abstracto (ut, Quid Deus est? Est bonitas, magnitudo) de reliquis verò subjectis prædicantur in Quale, & in concreto: ut, Qualis est Angelus? Est bonus.*

*Ad questionem Quomodo respondetur ex predicatis 6. Quomodo? absolutis, mutando nomina adjectiva in Adverbia: ut, Quomodo Deus creavit mundum? Resp. è bonitate, bene. Item è respectivis: ut, Quomodo Deus gubernat mundum? Resp. è differentiâ, Non eo, quo princeps regit subditos, modo: è majoritate: sed excellentiori modo. Deniq, è terminis logicis & prædicamentis: ut, Deus regit mundum, ut causa princeps; regit ejus substantiam, quantitatem.*

*Ad questionem Quando respondetur ex adjuncto 7. Quando? tempore.*

*Ad questionem Ubi respondetur è subjecto loco. 8. Ubi?*

*Ad questionem Cum quo, respondetur è predicatis, 9. Cū quo? prædicamentis, terminis deniq, logicis: ut, Cū quo Deus est bonus? Resp. Cum bonis. Cum quo est albedo? Cum substantiâ. Cum quo est effectum? Cum causa. Huc etiam pertinent varii modi inessendi. Effectum enim inest in suâ causâ, causa aliquo modo in effecto, adjunctum in subjecto.*

*Sequitur Thema compositum, quod demonstrari 10. Themata composita quæ tractanda? debet.*

*Thema compositum est vel confirmandum, vel confutandum.*

Confirma-  
tio quæstio-  
num con-  
junctarum  
quæ fiat?  
Via defini-  
tionis.

*Confirmatur tribus modis: viâ definitionis, divi-  
sionis, & contrarii.*

*Via definitionis hunc habet canonem: Cui competit  
definitio, eidem & definitum, & contra: ut, An Deus  
est bonus? Affirmatur è definitione boni &  
bonitatis. An homo est animal? Affirmatur è  
definitione animalis.*

Via divi-  
sionis.

*Via divisionis est duplex. Prima est, quâ deducitur  
aliquis ad impossibile & absurdum. Ea fit per pri-  
mum principium: Impossibile est idem esse &  
non esse. Et hîc tò impossibile deducitur per  
subiecta, prædicata, prædicabilia, argumenta  
logica: ut, Deus aut est bonus, aut non est bo-  
nus. Tò impossibile & absurdum deduc*

Primum  
principium.

*I. Per subiecta. Si Deus non est bonus, vel An-  
gelus non est bonus, vel Angelus est melior  
Deo. At si Angelus est bonus, multò magis  
Deus. Nam à minori ad majus valet conse-  
quentia.*

*II. Per prædicata absoluta: ut, Si Deus non est  
bonus, non est infinitus, non est æternus, non  
est omnipotens.*

*III. Per prædicata respectiva: ut, Si Deus non est  
bonus, bonitas aut differt à Deo, aut illi con-  
trariatur. Atqui non differt. Ratio: quia con-  
cordat cum Deo. Ratio hujus: quia si non con-  
cordat cum Deo, etiam non concordabit cum  
homine. Atqui bonitas quædam cum homine  
concordat. Ergo multò excellentior concor-  
dabit cum Deo. Quid? Si Deus non est bonus,  
nulla est in mundo concordantia, nulla con-  
trarietas. Hîc miscentur absoluta prædicata  
cum*

respectivis. Nulla erit concordantia: quia si non datur prima bonitas, etiam non datur secunda. Nulla erit contrarietas: quia si Deus non est bonus, est malus (absit dicto vel cogitationi blasphemia) & ex consequenti omnia erunt mala.

IV. *Per prædicabilia*: ut, Si Deus non est bonus, proprium desinit esse proprium.

V. *Per argumenta logica*: ut, Si Deus non est bonus, causa prima erit mala.


*Secunda divisionis via, quâ probatur thema conjunctum, est, quando thema resolvitur in suas partes, subjectum & prædicatum. Utrumq; deducendum est per prædicamenta, prædicata, prædicabilia, & principia logica, juxta illud ænigma: Omne p* Ænigma.  
*deducitur per quatuor pppp: & sic obtinetur summum p.*  
 i.e. omnis probatio fit per prædicamenta, prædicata, prædicabilia & principia, i.e. argumenta logica; & sic pervenitur ad perfectionem. Argumenta enim duci possunt à natura subjecti, & prædicati. V.g. Si illud problema, An mundus est æternus? velis demonstrare negando, considerabis causas, effecta, substantiam, quantitatem &c mundi. Eodem modo tractabis prædicatum: & te etiam invitum vel aliud cogitantem obruet infinita argumentorum moles. Quid? Huc pertinet illud Quintiliani, quòd omnis probatio fiat per antecedentia, consequentia, & repugnantia. Ita que considera & subjecti & prædicati antecedentia, repugnantia & consequentia prædicata, prædicabilia, & similia. E.g. demonstrandum sit illud thema, *Virtus est necessaria in vita.* Considera & subjectum, & præ-

Omnis probatio fit per tria.




dicatum; præcipuè prædicatum, quia hic est potior & major terminus. Procede hoc modo:

*Necessaria in vitâ: est prædicatum;*



*Virtus est subjectum,*



Jam dispone hæc argumenta antecedd. repugnantia & consequ. cum quæstione.

Via contra-  
viii.

*Tertia via est contrarii, quâ ex affirmatione concluditur negatio, & contrâ: ut, Si Deus non est bonus, est malus. Si animal non concordat cum homine, vel ab eo differt, vel ei contrariatur. Si Deus non est causa, est causatum.*

*Sic*

*Sic confirmantur quæstiones conjunctæ: superest, ut ostendamus, quomodo refutantur argumenta, quibus falsa quæstiones probantur.*

*Respondemus ad objecta argumenta quatuor modis; per concessionem, simplicem negationem, instantiam seu replicam, & distinctionem.*

*Concessio est, quando argumentum conceditur, quia non evertit principia artis.*

*Principia artis sunt hæc:*

*I. In predicatis & predicamentis distinguendum est inter absolutum & respectivum. Nam predicatum absolutum non est confundendū cum respectivo, & contra Non igitur valet illud Papistarum: Fides justificat. Fides est bonum opus. Ergo quoddam bonum opus justificat. Nam fides justificat, considerata relatè, non autem absolute.*

*II. In predicatis absolutis termini sunt convertibiles ex hypothesi Lullii: ut, bonitas est magna, potens, gloriosa. Ineptum ergo est hoc axioma, imò falsum: gallina est homo. Ratio: quia sic bonitas hominis non esset major bonitate gallinæ.*

*III. In predicatis respectivis respiciendum est ad collateralia. Semper enim ita disputandum est, ut non destruatur differentia, concordantia vel contrarietas inter sensuale & sensuale &c, Nam talia sunt prædicata, qualia esse permittuntur à suis subjectis. E.g. Deus est bonus & Angelus est bonus; sed hic observanda est differentia inter Deum & Angelum, ceu intellectuale & intellectuale. Idem judicium esto de collate-*

*Refutatio quæstionū conjunctarum quæ fi-*

*at? Quatuor sunt modi respondendi.*

*I. Concessio.*

*Principia artis hujus de circulo infinito.*

*Canon prædicatorum absolutorum.*

*Canon prædicatorum respectivorum.*

ralibus principii, medii, finis, majoritatis, æqualitatis, minoritatis: ut, Deus Pater est principium Filii. Ergo Filius non est αὐτὸς θεός. Resp. è collateralibus principii: Pater est principium Filii; at non principium vel causale, vel quantitatis, vel temporis: sed principium originis.

Canones  
argumen-  
torum lo-  
gicorum.

IV. In argumentis logicis hæ potissimum regula locum habent:

1. In consentaneis observatur jus antecessoris & consecutionis: in dissentaneis non item.

2. Consentanea affirmando, dissentanea negando disponuntur. Falsum igitur est axioma, quando sit contrarium.

3. A pari ad par valet consequentia.

4. A majori ad minus valet illatio negando.

5. A minori ad majus valet illatio affirmando.

6. Simile non probat, sed tantum illustrat.

7. A conjugato uno ad alterum, id est, ab abstracto ad concretum valet consequentia.

8. A notatione vel fallax vel debile est argumentum.

9. A toto ad partes valet consequentia, & contrà à partibus simul sumtis ad totum.

10. A genere ad speciem non valet consequentia affirmando.

11. Cui competit definitio, eidem & definitum, & contrà.

12. Testimonia Dei, sensus & fidei sunt infallibilia.

V. In predicabilibus hæ regula observanda:

1. Differentia & proprium quoties de aliquo predicantur, constituitur axioma summè necessarium.

2. Genus

Canones  
predicabi-  
lium.

2 Genus quoties predicatur de specie, constituit axioma necessarium, at non summè necessarium.

3 Accidens quoties predicatur de subiecto, constituit axioma contingens.

4 Superiora de inferioribus predicantur: ut ex hoc schemate videre est.

|      |   |                         |   |         |       |           |
|------|---|-------------------------|---|---------|-------|-----------|
| Ordo | { | Natura descendit.       | } | 1       | 2     | 3         |
|      |   | Prædicationis ascendit. |   | 3       | 2     | 1         |
|      |   |                         |   | Animal. | Homo. | Socrates. |

Quando itaq; hæc principia non violantur à disputatore, respondetur per concessionem.

At verò, quum impingit in illa, respondetur vel per negationem, vel per instantiam, vel per distinctionem.

Per simplicem negationem respondetur, quando materia est vitiosa: ut, Qui est omnipotens, est omnipræsens. Caro Christi est omnipotens. Ergo. Resp. negando assumptionem. Ea probatur: quia edidit miracula. II. Simplex inficiatio.

Jam resp. distinguendo è differentiâ:

Per instantiam seu replicam respondetur indirectè, III. Instantia. quum adversario argumentum difficilius regeritur: ut; Si motus est æternus, etiam mundus est æternus. Atqui motus est æternus: quia motor est æternus. Ergo. Resp. replicando: Si mundus est æternus, Deus non est infinitus, neque æternus. Nam duo infinita & æterna sunt ἀσύστατα.

Per distinctionem respondetur, si amba præmissa sint vera. Tum enim distinguendum est inter IV. Distinctio.

subiecta, item inter prædicata, argumenta etiam logica: ut, Qui est bonus, non est puniendus. Diabolus est bonus: Ergo. Resp. ad propositionem maiorem, distinguendo bonitatem in moralem, naturalem & transcendentalem, seu ethicam, physicam & metaphysicam.

Talis etiam est praxis INFINITI HARMONICI; cujus epitomen sic describunt Mathematico-Logici, Mathesis enim vel sola facit ad animum inscitæ ærugine exuendum. Illi igitur sic docent hac de re:

Epitome In-  
finiti seu  
circuli har-  
monici.

Complicentur tres figuræ omnium nobilissimæ, Circulus, Quadratum, & Triangulum. Circulus ambiat quadratum; eiq; inscribantur vel prædicamenta, vel prædicabilia, vel argumenta logica. Quadrato inscribantur quinque prædicabilia, hoc ordine:

<sup>1</sup>  
Differentia.


<sup>2</sup>  
Proprium.

<sup>3</sup>  
Individuum.

<sup>3</sup>  
Genus.

<sup>4</sup>  
Accidens.

Trianguli (quod inscribatur quadrato) angulis inscribantur hæc vocabula, Deus, Natura, Ratio. Quoties aliquid est vel confirmandum, vel cōfutandum, circulus examinetur per quadratū, quadratum per triangulum. V.g. hoc axioma verū est: Homo est animal; quia genus dicitur de specie. Est argumentum ē quadrato. Et hoc probatur per triangulum: quia Deus hominem ita creavit; quia natura & ratio non refragantur. Nam tria ista principia, Deus, Natura, Ra-



*Theoria, est de ejus par-  
tibus, quæ sunt termin  
simplices: uig<sub>3</sub> vel*

**I I.**

*Infiniti harmo-  
nici*

*Praxis, de tractatione  
thematis vel*

*ra, Ratio, sibi invicem subordinata, probant & refutant efficaciter.*

## EPILOGUS.

**S**I vel primorib. labris, mi lector, degustasti  
Sembammata mathematica, facilè videbis  
quid sibi velit noster Tractatus de INFINITO  
CIRCULO. Absque hoc si est, ne quidem  
(utinam fallar!) assequère, quod facere queat  
ad tui institutionem. Nostrum erat priscos illos  
imitari, qui etiam atque etiam sese exercuerunt  
in Mathesi, imò eam pueris inculcarunt. Dici  
enim non potest, quanta sit affinitas Mathema-  
ticæ, Logicæ, Grammaticæ & Metaphysicæ.  
Nam si studiosis subtilitates & difficultates il-  
læ artium, typis mathematicis adumbrarentur,  
eas facillimè possent percipere, quas sine hoc  
adminiculo discunt summo cum labore & tæ-  
dio. Etenim objecta illa sensualia movent sen-  
sum, sensus intellectum. Lusus vocas? Erras, si  
puerilem putas. Est lusus ingenii, qui in ludo,  
id est, in Scholâ locum habere debet. Hunc  
igitur lusus ludere discas, ut ne ludibrium de-  
beas, si aliquando tibi de his sit disferendum,  
quæ ludicra vocas. Vale, Mathesin ama, &  
Deum precare, ut docentibus & discen-  
tibus halcyonia præbeat.

SOLI DEO GLORIA.





D N. JOHANNI-HENRICO  
ALSTEDIO, PHILOLOGO  
felicissimo, amico opta-  
tissimo:

*Nomine par CORDO es: par CORDO es carmi-  
ne docto:*

*Ævo hunc ut superes det Jova; major eris.*

Caspar-Cunradus Philos. & Med. D.  
Physicus & Poliater Vratislavi-  
ensis φιλοφροσύνης ἔνεκα f.

AD LE-

AD LECTOREM  
STUDIOSUM.

**Q**ui desiderat eruditionis  
Ad culmen superum brevi venire  
Per rectam, facilem, viam brevemq;  
Cui LULLI volupe est statuta nosse:  
Cui placent lepida, graves, acuta  
RAMI ARISTOTELISQ. opiniones;  
Isthunc ALSTEDII sibi libellum  
Parvo comparet are: qui quidem ipse  
Chartis exiguus: tamen refertus  
Doctrinâ omnimodâ scientiâq;  
Discendi methodum, viam docendi  
Artes hac PANACEA in universum  
Commonstrat facilem, brevem novamq;  
Isthanc in studiis eas, in albo  
Censeri & poteris brevi Sophorum.  
Tradit hic liber utiles, suaves  
Gnomas; & Sophia statuta, lector,  
Doctè, perspicuè explicata cernes.  
Hunc ergo ALSTEDII pereruditum,  
Perlectum quater, & quater relectum  
Librum sensibus intimis repone:  
Et quæ propediem daturus, usus  
In nostros, sciolos, & invidorum  
Memorumq; nihil morans catervam,  
Evolve, & studio revolve scripta;  
Authori meritas agesq; grates.

Joh. Jacobus Hermannus, Pala-  
tinus, Theologiz studiosus.



CONSILIUM  
NICOLAI CLENARDI,

*Quod extat lib. 2. epistolarum pag. 192.  
& seqq. editionis Wecheliana.*

Johan. Henricus Alstedius lectori  
philologo S. D.

**H**ominus est, lector, homini prodesse,  
nocere nemini. Id mihi cura, Deum  
testor, id mihi cordi, ut ego, ut mea mihi cor-  
di & cura. Quod si hac virtus (absit arro-  
gantia dicto) provocat quorundam invi-  
dorum virus, quid mirum? Hoc, namq;  
ævi videas sat multos, qui ipsi nil probant,  
nisi quod ab ipsis. Atque hæc est illa philau-  
tia, quâ fit, ut homo se non videat, alios non  
videat, aliis invideat, alios rideat. Tu, can-  
dide lector, hos averse, & pro candore tuo  
ea boni consule, quæ à discendi cupidis profi-  
ciscuntur. Talia sunt, quæ tibi visenda &  
judicanda offero è Nicol. Clenardi eminen-  
tis Philologi epistolis excerpta. Tu vi-  
de, num videri debeant.

Vale.

NICO.

NICOLAUS CLENAR-  
DUS JOANNIVASÆO

S. P. D.

**M**ihi res videtur longè facillima, pueros analphabeticos in tua familia intra annum eò perducì, ut quotidiana sonent Latinè, & audiendis lectionibus Latinis sint idonei: De iis loquor, quæ alioqui captum pueri non excedant. Quanquam quis est adeò obscurus author, unde puer nihil excerptat, nec necesse est vel me totam Ciceronis assequi paginam? Principio ipso die, discat, *a b c d e f g h i k*, & eas literas pingat: alio die, *l m n o p q r s t u x z*, & eas pingat: tertio die vocales quinque, *a e i o u*, vocalis græca *y*. Diphthongi quatuor, *e æ au eu ph*, id est, *f*. Deinde syllaba *vo-ca-les*: Dictio, *Vocales quinque*, *Diphthongi quatuor*. Hæc dum inculcantur, puer suapte naturâ concipit, quid sit *litera*, quid *vocalis*, quid *syllaba*. Numero prolatis digitis, *vo ca les quot sunt syllabæ*? Tres. Deinde, *vocales quot sunt litera*? Septem. Nec necesse est ut scias, *syllaba est minima pars vocis composita*, & cæteras ineptias, & dispendia. Atque hæc omnia perpetuò Latinè sunt agenda, etiam si non intelligant: nutibus & gestibus aliquid divinando consequentur, reliqua ignorant, nec tamen vapulent. Primo statim die Carboni chartam objeci sic scriptam:

*Vocales quinque, a e i o u.*

Alio die alteram chartulam:

*Litera consonantes, b c d f g h k l m n p q r s t u x z. Deinde cū irem cubitum dicebam Latinè: Vocalis cum consonante facit syllabam, ba be bi bo bu, ca ce ci co cu: nec unquam quicquam declaravi vernaculâ linguâ.*

Sit hic labor hebdomadæ ad summum. Interim tamen ad motâ manu capiti dicebam, *caput, nasus, oculus.* & ita singulis dieb. vocabula aliqua in libellū referebam. Et inter vestiendum: *Heus Sebastiane cedo mihi aquam, monstrato cantharo. Effunde, & ser recentem.* Ipse effundebam potius, quàm ut dicerem quod ignorabam, hoc est vernaculum. *Cedo mihi pectinem,* digitis comendî capitis ostendebam signa. jamdudum assequeris quæ velim.

Sequitur secunda hebdomada.

*Prima declinatio.*

*a a e am a a } Musa  
a arū is as a is }*

Interiore manu dicebam, *a a e am a a*

Exteriore *a arū is as a is.*

Deinde aptabam, *sa sa sa.* ita ut biduum occuparetur in una voce *Musa.*

Casus sex.

*Nominativus.*

*Genitivus.*

*Dativus.*

*Accusativus.*

*Vocativus.*

*Ablativus.*

Sit

Sit hoc ante prandium sonandum prolatis  
digitis & manu tam interiore quàm exteriori.

Sequenti die.

Numeri duo.

*Singularis* } id versâ manu significabam.  
*Pluralis* }

Cœnanti, prandenti, cuncti ad lectum, sur-  
genti, semper occinebat, *Musa Musa &c.* Nec  
dum scit, quid sibi *casus* velint, quid *numerus*.  
Post aliquot dies ubi audierit, *Cedo mihi mappam,*  
& *Hæc est sordida mappa;* tum dices, *isti sunt casus,*  
*mappa mappam;* aliquando dicimus *mappam,* ali-  
quando *mappa;* sed postea id intelliges.

Deinde.

*Prima Declinatio habet unam terminationem, nem-  
pe a,* id legat nec intelligat.

Fortè miraris, quî possit legere. Multa colli-  
git puer uno terendo vocabulo, *musa musa mu-  
sam.* Deinde dum hætenus tam paucæ voces  
occurrerint, *Vocales quinq;*, *Consonantes*, *Diphtho-  
gi quatuor*, *syllaba*, *dictio*, &c. dum octo aut novem  
diebus sic inculcantur, & per domum reso-  
nant, sonus ipse adjuvat, & præterea, quòd nul-  
la dies omittenda sit, quæ non scribentem &  
pingentem occupet, omnino condiscit legen-  
di vias. Et ut non sit expeditus lector, tamen  
dum memoriter declinat *Musa*, mihi satisfac-  
tum est. Scis, quomodo docere solebam He-  
braica, post tertiam statim lectionem disceba-  
tur *Pakad*: quod si legere queat discipulus, &  
præsentem semper lectionem, quorsum attinet  
multas horas perdere in legendo?

Casus & numeros cur post Declinationem posuerim, jam vides: facilius enim consequuntur, quid sit casus, ubi nomen unum in digitis declinando posuerint. Semper ita docendum est, ut nihil pendeat ex sequentibus, sed quæ jam tenuerint, lucem adferant præsentilectioni. Quare id ipsum, *unam esse terminationem primæ Declinationis*, volo ut legant modò, etsi non intelligant. Cæterùm ubi absolverint secundam Declinationem, & tum adscripseris, *quinq; esse terminationes, us, um, er, ir, ur*; tum demum olfacient, & tum in ingressu statim tertiæ Declinationis licebit scribere: *Tertia declinatio habet multas terminationes.*

Rogas fortè, quid faciemus de *Pentecoste, Adam, Abraham, Anchises, Andreas*, ablativis in *abus*, quemadmodum in Institutionibus Græcis multa ad secundam libri partem refecavi: ita nunc solùm sunt tradenda catholica.

### *Secunda Declinatio.*

*Us i o um e o* } Dominus.  
*i orũ is os i is*

*Umi o um um o* } Templum.  
*a orũ is a a is*

*Nomina in um sunt generis neutrius.*

*Neutra habent tres casus similes in utroq; numero, nominativum, accusativum & vocativum.*

*Hi casus in plurali numero semper desinunt in a.*

*Hæc legant, & digito monstretur in figura tres casus similes, um um um, a a a, templum templum*

*plum templum, id fieri non potest, quin obiter discant, quid significet vox similes.*

*Sebastiane, quando dico, est nomen neutrum, semper tres casus sunt similes. Vide, quaeso, Dominus est nomen neutrum? Non, Domine. Quare? Us, um, e Jam puer saepius audivit has voces, Nomen, Declinatio, Declina &c. Ubi inceperit conjugare verba, somniabit nomina declinari, verba conjugari.*

Sed pergamus.

*Genera sunt tria:*

*Masculinum,*

*Fœmininum*

*Neutrum.*

*Hic obiter discit legere diphthongum æ tanquam e, & non per duas syllabas œ e.*

*Nomina in us secunda declinationis sunt masculina, ut Dominus.*

*Nomina prima in a sunt fœminina, ut Musa.*

*Nomina secunda in um sunt neutra, ut Templum.*

*Jam hoc utcunque capere potest; si minus, aliquot post diebus intelliget.*

*Sed heus, Vafæ, cave ne puerum oneres articulis, hic hac hoc. Mei ne somniarunt quidem hactenus quicquam articulorum: tantum prolatis digitis dicunt, Musa, Musa; nec nominant aut casus aut numeros; manus ipsa loquitur.*

E R.

*er i o um er o }  
i orū is os i is } Faber.*



## ER crescens.

er eri ero erum er ero } Puer.  
 eri erorū eris eros eri eris }

*Carbo. Quid placet, Domine? Pu er quot sunt syllabæ?*  
*Duo. Duæ, duæ. Pu e ri quot sunt? Tris. Tres, trēs. Sic obiter corrigo, nec causas addo, ut condiscant, aliquando sic, aliās sic loquendum esse, id est, crescere. Nōne jam es magnus? Et cū esses in terra tua, eras parvus? Etiam Domine. Jam crevisti. Sic puer habet duas syllabas, pueri tres: ergo crescit. Intelligis? Etiam Domine. Ma gi ster, quot syllabæ? Tres. Ma gi stri quot? tres. Crescit? Non Domine. Collatione contrariorum optimè res discitur. Hactenus non curavi multitudinem exemplorum. Cæterum er crescens vel non crescens, quod non tam latè patet, fermè omnia adjeci exempla, aut præcepto catholico comprehendere, quod idem faciendum est in tertia declinatione, ut lingua & aures his vocibus assuescant. Quæ si multæ sunt, multitudine ipsâ præceptum discipulo insinuant; sin paucæ, ipso in loco declinatio earum discitur.*

ir iri iro irum ir iro } Vir, levir, Trevir.  
 iri irotū iris iros iri iris }

ur uri uro urum ur uro } Satur.  
 uri urotū uris uros uri uris }

*Secunda declinatio habet quinq; terminationes, usum er ir ur. Hic fortè: obiter accipit, q; valere que. Ante forte non occurrit, & abbreviationes principio fugiendæ sunt.*

*Reliqua secundæ declinationis omnia o-*  
*mittantur.*

Quo-

Quomodo gustum dabimus adjectivi & substantivi.

*Nomen duplex.*

*Adjectivum & substantivum.*

*Adjectiva.*

*Bonus, bona, bonum.*

*Malus, mala, malum.*

*Magnus, magna, magnum.*

*Parvus, parva, parvum.*

Dono hîc grandem sylvam nominum adjectivorum, semper addendo contrarium, quod obiter facit ad discendam vocis significationem. Quamvis enim dum traditur Grammatica, nihil omnino curandum est de vocis significatione; tamen si citra dispendium institutionis propositæ juvetur discipulus, arripienda est occasio. Ponenda, inquam, sunt adjectiva plurima, ea præsertim, quæ suspicaris puerum jam aliquoties audisse intra tantillum tempus. Hęc sic doceo: cùm licet dicere, *bonus equus, malus equus, magnus equus, parvus equus*, id quod manet junctum variis nominibus, est adjectivum, ut *bonus equus, bonus dominus, bonus caseus, &c.* Reliqua quib. hęc adduntur, sunt substantiva, *equus, dominus, caseus*. Hęc dum multis exemplis tractantur, etsi perpetuò loquere latinè, puer tamen per se vernaculam linguam imaginatur, & colligit, quid *Adjectivum*, quid *Substantivum*.

*Adjectiva in us declinantur, ut dominus.*

*Adjectiva in a, ut musa.*

*Adjectiva in um, ut templum.*

Deinde pono & adjectiva in er,

*Asper aspera asperum.*

*Prosper prospera prosperum.*

Nec laboro, ut adjectivum cum substantivo declinent, præsertim si habeant diversos exitus, quale foret *bonus puer*; nam turbantur in re non necessariâ. Sed parce Vasæe, quòd tam diu sim inter pascuos & analphabeticos, quasi tu hæc ignores. Sed quia sic voluisti, ineptivi potius quàm nihil scriberem. Mitto ad te Grammaticam unam Æthiopicâ, jam olim à coquo meo inceptam & descriptam ex libello meo quem eis tradebam. Non est integra, sed indelicebit conjecturam facere. Ausim polliceri, si tu eam sic rudi figurâ perfeceris, & bono ordine rem oculis etiam objeceris, fore ut intra trimestre hic discipulus optimè declinet & conjuget. Interèa dū hæc discit, singulis diebus, ut dixi, exerceat se pingendo. Et nullus dies prætermittatur, quin vocabula aliqua condiscat, partes hominis, res culinarias, & quæ in domo, foro, templo, agroq; sunt obvia, hoc est, quotidiana ista. Ea credo noverit ante mensem unum. Nam singulis diebus distinctis horis nunc legat, nunc pingat, nunc lectionem & vocabula cantillet, & jocus sit, non labor.

Ubi hæc quotidiana vocabula conscripta fuerint, & justus jam videatur numerus, in eodem libello pergamus ad oratiunculas quotidianas.

*Heus Sebastiane. Quid placet, domine?*

*Ubi est Michaël? Ivit aquatum.*

*Quid agit Nigrinus? Studet, scribit, parat focum.*

*Est*

*Estne Gulielmus domi? Non, domine.*

*Quonam abiit? Ivit ad forum.*

*Quid eò? Emptum pisces.*

Hæc paucis primùm consent verbis, & legant modò, usu discent & dicent memoriter. Quanquam omnino consultum est, ut simulatque sic satis legere norint, singulis diebus exercent memoriam in hujusmodi dialogulis, qui contineant quamvis materiam domesticam & puerilem. Cùm tibi tam multi sint utcunque provec̃ti discipuli, curabis, ut tu his rudimentariis modò studiorum rationem præscribas, & unam tantùm horam, quæ alioqui tibi periret, eis impendas. Provec̃tiores autem tres aut quatuor quotidie in orbem cum illis puerulis ludant, & audiant eos declinantes, sic ut quod alii facere queant, tu ne subeas. Id majoribus quoque lucro crit, ut rationem docendi cõdiscant. Cæterùm cura, ut usu potiùs discant quàm ratione. Verbi gratiâ, in tertia declinatione sic dico: *a atis, neutrum. Declina, Carbo, Dogma. Dogma, dogmatis, dogmati &c.* semper ipse eis dico genitivum, nec tento an jam sciant: verùm adeò crebrò declinabunt, ut tandem imprudentes in genitivum incidant. Itaq; de Accusativo in *im*, ablativo in *e* & *i*, Genitivo plurali in *um* & *ium*, non eos volo torqueri, sed ipse inter declinandum succurro. Ubi biennium fuerint versati in literis latinis, tum demum suoapte studio legent grandes istos grammaticos, aut certè eis opus non habebunt; ipsi enim canones sibi ex

usu auctorum formabunt. In dialogis multa obiter discuntur, ut verbi gratiâ, numeri,

*Quota est hora?*

*Prima, secunda, tertia, &c.*

*Quot ibi sunt homines?*

*Decem, viginti, triginta.*

In verbis primæ conjugationis, præter ea quæ regulâ universali comprehenduntur, semper addo omnia composita, hoc pacto:

*Sto steti statum.*

*Adsto adsteti adstitum.*

*Consto, resto, praesto, prosto, disto, insto.*

Sic in tertia & quarta conjugatione & secunda, ubi certus est numerus, nec præceptum est generale.

Nullum enim præceptum pono in tertia conjugatione, sed hoc pacto pono terminationes,

### CIO.

*Facio, feci factum.*

*Conficio confeci confectum,*

*Afficio, perficio.*

Quare præpositiones pono statim post nomina.

*XXX. accusativum regunt.*

*XV. ablativum.*

*IV. utrumq; casum.*

Jam sciunt dicendum: *Gulielmus ivit ad forum*, quia *ad* regit accusativum. Nec dum sciunt, quid sit comparativus, tamen in nominibus in *or* posui comparativa *or oris, doctior, melior*, ut declinent. Sic & verbalia in *io*, ut *auctio, natio, factio*, &c.

&c. Postea eos titulos intelligent. Mei jam multis mensib. à me negliguntur, eò perducti sunt, ut intelligent dominum: nec multum jam curo, fui aliis occupatior, quàm ut eos multum respicerem. Pervenerant usq; ad tertiam conjugationem, fortè aliquid fiet Braccaræ.

Tu nihil de passivis verbis tradas, nisi omnibus absolutis conjugationibus, tum de passivis agendum simul & deponentibus in *or.*

Post verba tradenda pronomina. nec sciunt quid primitivum, quid derivativum, Demonstrativum &c. tantum declinent.

Adverbia Conjunctionesq; usu discant.

Sequitur Syntaxis, cujus caput primum de adjectivo & substantivo trado statim post secundam Declinationem. De verbo activo cum accusativo intelligent, ubi scient imperfectum esse *comedo*, nisi addas *panem, carnes &c.*

*Comparativus ablativum regit: superlativus genitivum. Duorum substantivorum alterum semper sit Genitivus, duorum verborum alterum Infinitivus.*

Hæc pauca sufficiant. Nam quæ adjectiva genitivo gaudeant, quæ ablativo, in dialogis obiter discent, ubi eò perducti fuerint, ut ipsi observare incipiant verba & nomina, quæ catholicis præceptis non continentur, alia alios postulare casus, ut *vescor, fruor, utor*, ablativo, &c.

Si hoc pacto puerum instituas, ante sex menses communia noverit capita totius Grammaticæ. Et interim in dialogis eum profectum habuerit, ut multa norit garrere Latine.

Sequitur anni pars posterior, quo putarē illi nihil perire, si lectioni publicæ Terentianæ interesset; non quòd totam assequeretur, sed dum te audiret copiosè disferentem, *Vos isthac intrò auferte*, multa, credo, intelligeret. Simo pater-familiàs servos astantes alloquitur, jacebant pro foribus aut ligna, aut nescio quæ sarcinæ, aut onera, iratus dominus & stomachosior in pigros, desidēs & negligentes somnolentosq; servos; *Vos*, inquit, servi, quid ista sic relinquitis pro foribus & ante ostium? *Auferte*, hoc est, asportate, *intrò*, hoc est, in domum, *isthac*, hoc est, ista onera. Puer sex mensibus in familia tua versatus, nihil hujus enarrationis assequeretur? Perge. *Auferte*, imperativus ab *Aufero*, regit Accusativum: *Isthac* dicunt poëtę pro *ista*, *intrò* adverbium locale &c. Alia quæ adferes auditoribus, non assequetur. Quid tum? Adhuc tenellus est, & dies diem docebit. Quā mirabantur, quòd D. Ludovico enarrarem Livium! Et tamen res processit pulcherrimè. Tibi quoque dextra erunt omnia, si modò Salmanticensium mores caveris; qui si difficilis locus occurrat, ibi nervos explicare student, & sui miraculum apud plebeculam facere. Tu pueri modo dicito, non potes jam assequi.

Interea tamen hic puer domi habebit sua studia in Dialogis legendis & pingendis. Quos si adhibitā etiam curā conscripseris, fieri queat, ut nulla sit vox Latina, quin ante finem primi anni ab hoc puero sit sæpius lecta, scripta, audita, & bene detrita. Quomodo, quæso? Principiò

cipiò nomina poëtica, fluminum, herbarum, montium &c. omitto, & antiqua præterea vocabula. Deinde in his Dialogis, etsi argumenta erunt aliarum rerum, potes tamen subinde Grammaticum simul agere, & Dialogi rem agere. Verbi gratiâ, Fortè concluditur Dialogus, hoc est, pagina una (nam nolo te splendè hîc laborare.) *Dialogos* voco confabulationes quavis de re, & sunt singulæ paginæ quandoque Dialogi, ut res sese tulerit, semper positus in frontispicio personis discipulorum tuorum, non eorum modò qui hæc discunt, sed quorumlibet, quicquid novi vel tibi vel Cæsari ipsi contigerit, inde fiat colloquium parvulum (si modò captum discipulorum non excedat). Esto ergo, sit finis dialogi iste: *Faciam quicquid jusseris*. Ingredere hîc occasionem, ut discant composita verbi *Facio*, & sic digere, ut alter nominet ipsum compositum, alter orationem ex eo descriptam reddat.

*Carbo. Nigrinus.*

*Placétne excutere composita verbi Facio?*

*Perplacet, tu praito. subserviam ego pro virili.*

*Afficio.*

*Rex me affecit summo honore.*

*Si id commiseris, afficeris maximo dedecore.*

Congere hîc, si placet, eos ablativos, quibus jungi solet id verbum.

*Conficio.*

*Confectus fame, inedia, mærore.*

Expende sic omnia composita, & dialogos



sic conscriptos saltem creberrimè legant, haud aliter atq; nos horas Canonicas.

Jam verò volo, ut etiam datâ operâ certa quædam verba cum suis compositis deligas, & sic cum uno atque altero exemplo scribas: tandem minuetur lexicon, & pauca relinquentur, quæ tuus non ceperit discipulus. Deinde hoc pacto quandoque, ut facit cornucopiæ, nominando omnia quæ à themate deducuntur.

● *Michael. Sebastianus.*

*Quid gignit Amo?*

*Amo, amans, amaturus, amabilis, amandus, amor, amicitia, amicus, amica.*

Rude est exemplum. sed vides, ita sensim fieri, ut recto adhibito judicio, totam linguam latinam, & bonam ejus utendæ partem, in hunc Dialogorum librum possis conferre, ne discipulo annum unum sic exercitato multa possint objici nova.

Præterea ratio illa copiæ, tradendo orationem ex oratione, etiam hîc locum habeat, præsertim si videantur aliqua esse vocabula, quæ aliâ ratione infulciri nequeant. Id fit, ut scis, vel ut ipse orationemingas hoc modo. *Conferas te domum. Contulit in me plurima beneficia. Plurimum de me meritis est &c.* aut nectendo sententias auctorum & adagia. *Omnia vincit amor, & nos cedamus amori. Non omnia possumus omnes. Ut possumus, quando, ut volumus, non licet; &c.* hæc varietas etiam grata est. Postremò ubi jam omnes rationes pertractaveris, capiam *Lexicon Nebrissen- sis*, & decursis ordine vocibus, si quam fortè  
puer

puer nec tum audierit, aut etiam si audierit, modò ejus occasione oratio elegans emergat, eam ordine Alphabèti describam, & item reliquas omnes, & ne fastidium fiat, literam A ponam. Deinde aliquos novos adjiciam Dialogos, postea B. & c. Non enim necesse est, te grave & serium argumentum ad finem usque perducere, Erasmi more, sed tantùm usum doctes linguæ Latinæ.

Proximum annum si sic animi causâ impenderis istis alphabeticis, totam linguam Latinam parvo libello & utili concluderis. Et quia fortè vereris, ne in longum excrescat, principio quæ is longus debet censi liber, si unus modò à discipulo tractandus est? Deinde, quando pingendo, legendo & audiendo hic liber sic decantabitur inter eorum manus, licebit subinde expungere, si qua sæpius eadem occurrant, ac in eorum locum alia substituere. Quanquam quid periculi, si eadem crebrò in libro eodem compareant? Licebit adjecto adverbio, aut activo verso in passivum, saltem faciem orationis mutare.

Aliud restat. Unus hic libellus omnium instar erit, quod quidem ad linguam Latinam attinet. Itaque non solum legendus est, sed tanquam justus auctor habendus. Et quemadmodum scriptores cæteros legimus, & arreptâ voculâ quapiam, inde comminiscimur aliquot orationes; ita cùm lubebit tibi remittere animum, legatur ex hoc libello pagina una. Et si qua vox rarior occurrat, tractetur bene, & vivâ

voce ibi pensetur, quod fortè non sapiùs insit in libello.

Egregium cerno fructum, mi Vassæ, & fortè multis utilem laborem, si velis aliquid hîc adhibere diligentia, ut eâdem fideiâ nō duos dealbes parietes, sed multos, & unus tibi libellus suppeditet linguam Latinam universam, insignes authorum sententias, adagia innumera, copiam orationis, insignium virtutum & viti-  
orum definitiones, & postremò quod tibi & multis aliis queat esse usui, ut in promptu à primis statim annis discamus, ne provecti hæreamus in quantitate syllabarum. Mihi usu venit, si quando nugor, ut afflatum Apollinis perdam, dum non occurrit carmen poëtæ, & video Grammaticos, *A ante U corripitur, &c.* Itaq; nuper, dum insanirem defuncto Erasmo, animus erat semel mensem unum elaborare, & hæsitanti perpetuum parare remedium, sed alia cura interpellavit. Etsi à me alienum est istâ jam ætate, tamen animus est, nisi tu perverteris, auxilio meorum Æthiopum illud laboris capeffere. Sed ordine ad singula.

Multis viris displicet ex authoribus insignes locos, qui sententias graves continent, seligere, & in eis legendis operam ponere, propterea quòd apud eos ipsos authores hujusmodi rectiùs intelliguntur, meliùs discuntur, quàm si quis ex multis authoribus grandem sibi paret farraginem. Ejusdem sum & ipse propemodum sententiæ. Cæterùm & apud Græcos non defuerūt qui scriberent γνώμας; Et longè optimum

num arbitrarer, si quis ita disceret linguam Latinam, ut quem usum vocis accipit, puer oratione alioqui inani, eum ipsum ferret ex hujusmodi oratione, quæ præter significationem vocabuli etiam moneret aliquid, ut sunt adagia, apophthegmata, & similia, ubi est vel historia, vel fabula, vel tale quippiam. Occurrit illud mihi Ciceronis: *Nullum est officium tam sanctum atque solenne, quod non avaritia comminuere atq; violare soleat.* Infulciatur alicubi in dialogis occasione vocis *violo*, aut cujusvis alterius. Ita quicquid insigne est & illustre, per occasionem interferatur. Cum enim pueri sint tenacissimâ memoriâ, à primis annis ea imbibant, quæ nos postea senes vix magno labore discimus. Legimus totum Terentium, nec quicquam postea meminimus, quàm ejusmodi locos insignes, qui si non minùs eleganter scripti sunt, aut etiam elegantius, præstare opinor, ut tuus iste libellus horum sit plenissimus, etiamsi excrescat plurimum. Itaque clausulas Valerii Maximi, & quicquid in tragico Seneca, in Cicerone, Plinio, & cæteris classicis Authoribus memorabile sit, quando suspicor te subductâ lineâ in codicibus tuis illustrasse, ordine minister tuus exscribat, tu deinde pro tuo judicio ex eo collectario in locum aliquem dialogici libelli referas aut libellorum, quid enim periculi, si in multo tomulos annus unus excrescat?

Jam etsi primo anno non facies versificatorem, tamen velim te ex omnibus poëtis eos versiculos eligere, qui præterquam quòd sen-

tentiam continent, aut historiam, aliquid dignum memoriâ, eam etiam contineant vocem, cujus quantitas canonibus generalibus non continetur. *Cadimus inque vicein, præbentur crura sagittis*, fermè sex locis aptari potest. Multa Horatius, plurima præbebit Ovidius. Quod si ordine alphabetico feceris, tibi etiam nunc grandævo poterit esse usui, si sparsim immittas; velit nolit puer, infiget memoriæ.

Et quia tam varias rationes colligo, ut spatium annuo Latinum utcunque reddamus discipulum, & unum in librum totam volumus congerere linguam: cur etiam non hoc postremò addimus, ut congestis hinc inde authorum dictis, titulos aliquot uberes de virtutibus & vitiis, more Valerii, & de rebus aliis confingamus? De *Patria*, de *Præceptoribus*, de *Medicis*, de *Philosophis*, de *Pauperibus*, *Divitibus*, *Regibus*, *Plebeis* &c. Exempli causâ:

*Divitia.*

*Re sine nullus eris.*

*In pretio pretium nunc est, dat census honores.*

*Census amicitias, pauper ubique jacet.*

*Donec eris felix, multos numerabis amicos.*

*Tempora si fuerint nubila, solus eris.*

Et item alia quæ eodem pertinent.

*Patria.*

*Nescio, qua natale solum dulcedine cunctos*

*Detinet &c.*

Vidcor tibi fortè nimius, sed tu seligendi debes esse arbiter, *Vasæ*; simulque cogitare, tum

tum quòd nihil offecerit, si quædam sub anni exitum jam dialogicus codex contineat, quæ non planè intelligantur, tum verò sensim eò puerum deducendum, ut exercitio discipulorum grandium assuefiat, quos grandes & ipse quotidie præter pensum studiorum sic exerce-  
re potes, ut & ipsi collectarium habeant sententiarum quæ pluribus constant verbis, qualia fuerint carmina aliquot ex Juvenale, aut comparatio quæpiam speciosior, ut illa:

*Ac veluti in populo; in 1. Æneid. de ventis. Item reddenda quotidie sex aut septem adagia, & sensus eorum verbis paucis memoriter reddendus, de qua re nuper tibi scripseram.*

Omnino supra opinionem res tibi succedet, si modò piaculum sit domi tuæ audire voces vernaculas, & quemadmodum antea monui, aliquot è grandioribus tibi velut hypodascalos feceris, ut vicibus in orbem euntibus nemo docendo aut audiendo gravetur, & analphabetici tamen isti nullas habeant horas vacuas, quin ea vel legant præsentem quopi-  
am, aut scribant, aut commendent memoriæ, aut cum Latinis colludent.

Vellem ut hanc rationem publicè susceperes, non invitatis auditoribus, sed ut collectis aliquot etiam rudibus & grandioribus natu, qui se obsequentes præberent, eos unâ cum domesticis institueres, fortè perspecto tam eximio fructu, plures ultrò confluerent. Id modò te oro, ne pudeat ad hæc in speciem minima descendere, & potius omnia Græca postha-

beto, etiam domi, ut ais, fortè tradenda. Sis Pascasiorum totus, donec finem videamus futuræ cathedræ &c.

Puto jam satis ineptivi, ignosce Vaszæ; cupi-  
veram heri absolvere epistolam, sed Pascasii  
me prolixum fecerunt. Unum addam, præci-  
puè curandum, ut situ & ordine scriptarum re-  
rum oculis quoque gratus sis, hoc est, in Dia-  
logis omnem responsionem semper in novo  
versu colloques hoc pacto:

|                   |  |                           |
|-------------------|--|---------------------------|
| <i>Quid agis?</i> |  | <i>Ubi est Gulielmus?</i> |
| <i>Studeo.</i>    |  | <i>Nescio domi me.</i>    |

Mitto ad te principium Dialogorum Æ-  
thiopicorum, unde simul & rem & ordinem  
agnosces.

Ea res tantum habet momenti, ut bonus  
alioqui liber planè damnari debeat. Scripse-  
ram quondam tabulam Hebraicam; tabulam,  
inquam, non justam Grammaticam, quòd &  
typi minores deessent, & Campensem nollem  
videri emendare; etiam sic disposueram, ut mi-  
rificè juvaret memoriam. Modò vidi eam sic  
impressam Parisiis, dum typographi chartæ cō-  
pēdium sequuntur, ut meritò doctis omnibus  
meus labor displiceat. Sit jam tandē finis fabu-  
læ. Imo adhuc unū restat: magnopere condu-  
cere ad faciendam fidem hujus institutionis  
tuz, si quem nancisci queas puerum, non qui  
adhuc Grammaticam ignoret, sed qui ne lite-  
ram quidem viderit, quales ego accepi Æthio-  
pes; & eum sic instituas, ut anno primo jam le-  
gat & pingat expeditè, loquatur & intelligat  
sic La-

fic Latinè, ut illos longè superet, qui triennium istic artem audiverint Nebriffensis.

Non debes Græcè docere in gratiam mearum institutionum, quando eam lectionem non debes, velim totus, ut dixi, sis Pascasiorum, etiam privatim, & omnem lapidem contra aquilam moveas.

Rhetorica si quando exire debebit, summo pere ad labora, ut nova præcepta, & in universum quicquid ad præceptum aliud, aut aliam conditionem pertinet, occupet principium versus: nam id valde facit ad perspicuitatem docendi.

Satis apertè & simpliciter, imò rusticè tibi depingo, quæ mihi ad juventutis rectam institutionem conducere videntur. At velim te nostra non sic aliis tradere, forte enim riderent, &c. quando istis istic diis nihil ob-

cet, nisi quod specie commu-  
detur.







INDEX AUTHO-  
RUM, QUIBUS AU-  
THOR UTITUR IN  
HOC OPUSCULO.

**A**damus Liebigius.  
Aristoteles.

Bartholomæus Keckermannus.

Clemens Timplerus.

Fridericus Beurhusius.

Hieronymus Treutlerus.

Jacobus Zabarella.

Joannes Sturmius.

Jordanus Brunus.

Julius Cæsar Scaliger.

Nicodemus Frischlinus.

Nicolaus Clenardus.

Paulus Princeps de la Scala & Hun.

Petrus Gregorius Tholozanus.

Petrus Ramus.


Raymundus Lullius.



# INDEX SECTI- ONUM PANACEÆ PHI- LOSOPHICÆ.

| <i>Sect.</i>                          | <i>pag.</i> |
|---------------------------------------|-------------|
| I. De ratione Instituti.              | 9           |
| II. De Arte magnâ, generali & ultimâ. | 14          |
| III. De Canonicâ, seu Technologiâ.    | 18          |
| IV. De Lexicis disciplinarum.         | 20          |
| V. De Præcognitis disciplinarum.      | 23          |
| VI. De Systematis disciplinarum.      | 34          |
| VII. De Gymnasiis disciplinarum.      | 36          |
| CRITICUS.                             | 42          |
| Elementale Latinum Clenardi.          | 62          |

INDEX



# INDEX RERUM MEMO- RABILIVM IN PANACEA & Critico Philosophicis.

## A

|                                                         |    |
|---------------------------------------------------------|----|
| <b>A</b> bsolute probè distinguenda sunt à respectivis. | 35 |
| Abusus donorum Dei apud literatos.                      | 42 |
| Accidentia principalia.                                 | 45 |
| Adjunctum duplex.                                       | 47 |
| Adminicula discendi duo.                                | 47 |
| Ænigma Philosophicum.                                   | 53 |
| Æqualitas triplex.                                      | 46 |
| Affectionum tres conditiones.                           | 25 |
| Argumenta logica inventionis.                           | 47 |
| Aristotelici.                                           | 43 |
| Autoris excusatio & promissio.                          | 41 |
| Aviditas omnia cognoscendi quæ temperanda.              | 11 |
| Autores recentiores præmittendi veteribus.              | 32 |
| Autores dogmatici præmittendi textualibus.              | 32 |

## B

|                              |    |
|------------------------------|----|
| <b>B</b> alduinus refutatur. | 27 |
| Bonitas triplex.             | 58 |
| Brevitas memoria amica.      | 6  |

## C

|                                       |       |
|---------------------------------------|-------|
| <b>C</b> alendaria studiorum.         | 34    |
| Canonica & technologia sunt synonyma. | 18    |
| Canones logici præcipui.              | 56    |
| Canones qui.                          | 35    |
| Causa quadruplex.                     | 47    |
| Causa efficientis tria genera.        | ibid. |
| Circulus est infinitus.               | 44    |
| Codex est in singulis <i>artib.</i>   | 20    |
| Cognatio disciplinarum.               | 37    |
| Collateralia quæ sint.                | 55    |
| Collegii Gelliani ratio & utilitas.   | 40    |

# INDEX RERUM

|                                                           |          |
|-----------------------------------------------------------|----------|
| Commentarii.                                              | 35       |
| Commentariorum quinq; partes.                             | ibid. 36 |
| Comparatorum quinq; classes.                              | 48       |
| Concessio qui fiat.                                       | 55       |
| Concordia triplex.                                        | 46       |
| Confirmatio fit tribus modis.                             | 12       |
| Confutatio fit quatuor modis.                             | 13       |
| Consilium Clenardi de discenda lingua Latinâ. 62. & seqq. |          |
| Contrarietas triplex.                                     | 46       |
| Curiositas, est hostis studiosorum.                       | 9        |

## D

|   |                                                          |       |
|---|----------------------------------------------------------|-------|
| D | Ecem loci inventionis.                                   | 47    |
|   | Declamationes.                                           | 40    |
|   | Definitio est præcognitio.                               | 23    |
|   | Definitio duplex.                                        | 48    |
|   | Definitio est vel nominis, vel rei.                      | 24.   |
|   | Definitiones <u>Scholasticis</u> usitata.                | 50    |
|   | Demonstratio à priori & posteriori.                      | 26    |
|   | Didactica prima pars technologia.                        | 18    |
|   | Differentia triplex.                                     | 46    |
|   | Digesta sunt in singulis artibus.                        | 20    |
|   | Disciplina { θεωρητικα.                                  | 36-37 |
|   | { πρακτικα.                                              | ibid. |
|   | { ποιητικα.                                              | ibid. |
|   | Disciplina qui discenda.                                 | 33    |
|   | Disciplina tractanda sunt manu vel sinistra, vel dextra. |       |
|   | 33.                                                      |       |
|   | Disciplinarum consideratio duplex: prima, absoluta; se-  |       |
|   | cunda, relata.                                           | 37.   |
|   | Disciplina activa & factiva..                            | 29    |
|   | Disputationes.                                           | 40    |
|   | Disfentaneorum sex classes.                              | 48    |
|   | Distinctio.                                              | 57    |
|   | Distributio quadruplex.                                  | 48    |
|   | Docentis officium.                                       | 31    |
|   | Duo media discendi disciplinas.                          | 36    |
|   | Duo genera studiosorum.                                  | 9     |
|   | Duo.                                                     |       |

# MEMORABILIUM.

Duo hostes studioforum. ibid.  
 Duo sunt necessaria studiofo. 2

## E

Eruditionis & honoris dulcor. 10  
 Ethica disponitur methodo analyticâ. 30  
 Examen est duplex: 1. Pythagoréum. 39. 2. tacitum; ibid.  
 Exercitia duplicia. 31  
 Exercitatio. 32

## F

Finis Panacea philosophica. 12  
 Finis triplex. 46  
 Fructus eruditionis dulces. 10

## G

Grammatica disponitur methodo analyticâ. 30  
 Gymnasia sunt in singulis disciplinis. 36

## H

Harmonia triplicis philosophia. 44  
 Harmonici infiniti definitio. 4s. theoria. ibid. praxis 48  
 Historica secunda pars technologia. 10  
 Homo naturâ scire desiderat. 42  
 Homonymia quid. 22

## I

Infinitum philosophicum quid. 44  
 Infinitum quotuplex apud mathematicos. 44  
 Ignavia hostis studioforum. 10  
 Ingenium. 32  
 In pueris non tam iudicium, quàm memoria viget. 27  
 In scopo studiorum tria spectanda. 10  
 In singulis vocabulis tria notanda. 22  
 Instantia. 57  
 Institutiones sunt in singulis artibus. 20  
 Instrumenta discendi duo. 32  
 Intellectus practicus. 29

# INDEX RERUM

*Jurisprudencia disponitur methodo analytica.* 30

## K

**K** Eckermanni laus. 13

## L

**L** *Ecctio triplex.* 33  
*prima ibid. crescens ibid. adulta.* 34

*Lectionis ratio.* 32

*Lexica philosophica an & quomodo adornanda.* 20. 21.

22

*Lexici philosophici facilitas & utilitas* 20. 21.

*Libertatis philosophica usus & abusus.* 43

*Loci communes qui adornandi.* 38

*Locus studiis aptus quis sit.* 31

*Lullista.* 43

## M

**M** *Ajoritas triplex.* 46  
*Matheſews utilitas.* 59

*Medica non ſubalternatur phyſica.* 28

*Medicina disponitur methodo analytica.* 30

*Medium triplex.* 46

*Memoria ſubſidium.* 45

*Methodus duplex ſecundum Peripateticos, unica ſecundum Ramum.* 19

*Methodus analytica.* 29

*Methodus ſynthetica.* 28

*Methodica tertia pars technologia.* 19

*Methodica Sturmii.* 19. 20

*Methodus Timpleri.* 36

*Methodus Panacea philoſophica.* 12

*Minoritas triplex.* 46

*Modus adornandi Gymnaſia diſciplinarum.* 38

*Modus conſiderandi eſt formale ſubjecti.* 25. 27

*Modus diſcendi.* 32

*Modus docendi.* 31

*Modus tradendi artes Sturmianus.* 20

*Muſica ſubalternatur Arithmetica.* 28

**Natura**

N

|                                             |    |
|---------------------------------------------|----|
| Natura disciplina qui indaganda.            | 21 |
| Nomina logica duplicia.                     | 48 |
| Nulla disciplina probat sua principia.      | 26 |
| Nulla disciplina constituit suum subiectum. | 26 |

O

|                                        |       |
|----------------------------------------|-------|
| Occamista                              | 42    |
| Omnis disciplina traditur per quatuor. | 20    |
| Omnis probatio fit per tria.           | 33    |
| Ordo natura.                           | 57    |
| Ordo prädicationis.                    | ibid. |

P

|                                                                     |       |
|---------------------------------------------------------------------|-------|
| Panacea philosophica summa.                                         | 6     |
| Paronymia quid.                                                     | 21    |
| Partes præcognoscenda in disciplinis.                               | 24    |
| Partes methodi analytica tres sunt.                                 | 30    |
| Phraseologia qui adornanda.                                         | 22    |
| Physica disponitur methodo synthetica.                              | 28    |
| Praxis est anima disciplinarum.                                     | 37    |
| Praxis cuiusq; disciplina duplex: 1. specialis. ibid. 2. generalis. | 38    |
| Præcepta in disciplinis quæ.                                        | 35    |
| Præceptorum tria requisita.                                         | 31    |
| Præcognita quæ sint & dicantur.                                     | 23    |
| Præcognita disciplinarum practicarum & poeticarum.                  | 29-30 |
| Præcognita de studio disciplina alicujus.                           | 31    |
| Præcognita Panacea philosophica.                                    | 12    |
| Præcognitio duplex: 1. dirigens. 23. 2. agens.                      | 24    |
| Prædicata absoluta novem.                                           | 46    |
| Prædicata logica numero quindecim.                                  | 46    |
| Prædicata metaphysica octodecim.                                    | 46    |
| Prædicata respectiva novem.                                         | 49    |
| Prædicatio in quid, vel in quale.                                   | 46    |
| Prædicabilia.                                                       | ibid. |
| Principia artis huius.                                              | 55    |



# INDEX RERUM

|                                                                 |       |
|-----------------------------------------------------------------|-------|
| Principium triplex.                                             | 46    |
| Principium primum.                                              | 32    |
| Principia quæ præcognoscenda.                                   | 23.26 |
| Principia quæ sint demonstrabilia.                              | 20    |
| Principia incomplexa vel complexa, seu essendi vel cognoscendi. | ibid. |

## Q

|                                                 |       |
|-------------------------------------------------|-------|
| Quale triplex; essentialē, accidentalē, medium. | 46.47 |
| Qualitas intelligibilis vel sensibilis.         | 28    |
| Quæstio simplex.                                | 48.49 |
| Quæstiones simplices numero sunt novem.         | 49    |
| videlicet                                       |       |
| Quid.                                           | ibid. |
| Quotnplex.                                      | 30    |
| De quo.                                         | ibid. |
| Quantum.                                        | ibid. |
| Quale.                                          | } 31  |
| Quomodo                                         |       |
| Quando                                          |       |
| Ubi                                             |       |
| Cum quo                                         |       |

## R

|                                         |       |
|-----------------------------------------|-------|
| Radices eruditionis amara.              | 10    |
| Ramifica.                               | 43    |
| Ratio colligendi gnomas.                | 76    |
| Regula philosophica.                    | 49    |
| Regula in disciplinis duplices.         | 35    |
| Requisita docentis.                     | 31    |
| Requisita discantis duo.                | 32    |
| Res considerata est materiale subjecti. | 25.27 |

## S

|                                                      |       |
|------------------------------------------------------|-------|
| Scholasticorum methodus in præcognitis.              | 23    |
| Scientia & artis discrimen.                          | 36    |
| Scientia contemplativa in tribus versatur.           | 24    |
| Scientia subalternata.                               | 28    |
| Scopus studiorum consideratur in genere & in specie. | 10    |
| Scopus studiorum spectandus.                         | ibid. |
| Sco-                                                 |       |

# MEMORABILIVM.

|                                                             |              |
|-------------------------------------------------------------|--------------|
| Scopus studiorum erit <u>1. Accommodatus. 11. 2. Fixus.</u> |              |
| ibid. <u>3. Excellens.</u>                                  | ibid.        |
| Scotista.                                                   | <u>42</u>    |
| Scotus refutatur.                                           | 26.27.       |
| Seçta philosophorum.                                        | <u>42</u>    |
| Simplex inficiatio.                                         | <u>57</u>    |
| Studiorum difficultas. <u>9. &amp; laus.</u>                | ibid.        |
| Studiosus sit instar apicula.                               | <u>43</u>    |
| Studiosi infelices qui sint.                                | 9            |
| Studiosi felices qui sint.                                  | 10           |
| Subiecta explicita, vel implicita.                          | <u>49</u>    |
| Subiecta numero tredecim in Infinito Harmonico.             | 45           |
| Subiectum artis est indemonstrabile.                        | <u>26</u>    |
| Subiectum scientia est proprium & commune.                  | <u>27</u>    |
| Subiectum qui præcognoscatur.                               | <u>24</u>    |
| Subiectum duplex.                                           | <u>47</u>    |
| Subiecti conditiones sex.                                   | <u>24.25</u> |
| Subiecti partes dua.                                        | <u>25.27</u> |
| Substantia principales octo.                                | 45           |
| Synonymia quid.                                             | <u>22</u>    |
| Systematis cuiusq; tres partes.                             | <u>34</u>    |

## T

|                                             |              |
|---------------------------------------------|--------------|
| <b>T</b> Empus matutinum studiis aptissimum | 31           |
| Terminus unicus.                            | <u>48</u>    |
| Termini corruptibiles qui sint.             | 55           |
| Testimonium duplex.                         | <u>48</u>    |
| Thema simplex <u>quid, &amp; quoduplex.</u> | <u>48</u>    |
| Thema compositum.                           | 51           |
| Theologia disponitur methodo analytica.     | 30           |
| Theoremata qua.                             | <u>35</u>    |
| Thesis & antithesis.                        | <u>38.39</u> |
| Thomista.                                   | <u>42</u>    |
| Timpleri laus                               | <u>13</u>    |
| Tres figura omnium nobilissima.             | <u>58</u>    |
| Tres summi Philosophi.                      | <u>43</u>    |
| Tres summi Astrologi.                       | 40           |
| Tres trianguli fontes omnis scientia.       | <u>46</u>    |
| Tria præcognita scientiarum theoreticarum.  | 24           |

# INDEX

*Tria principia.* 38. 39  
*Typi studiorum qui formandi.* 34. *sunt methodici, vel ho-*  
*varii.* *ibidem*

## U

*Unitas disciplina operatricis pendet ab unitate finis.* 30  
*Unitas disciplina contemplativa pendet ab unitate sub-*  
*jecti.* *ibid.*

*Ufus disciplinarum est* 1. *internus.* 38. 39. 2. *externus.*  
 40

*Vahementissimi affectus in homine Amor & Admiratio.*  
 43

*Via contrarii.* 34

*Via definitionis.* 32


*Via divisionis.* *ibid.* 33

*Vindicatio Zabarella contra Piccolominéum.* 29

*Vocum & rerum copula seu sedus.* 27

*Voluntas discendi.* 32

# FINIS.



141

145393